

四庫全書

子部

欽定四庫全書

子部
玉海卷八十

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣沈清藻

謄錄監生_臣李 本

欽定四庫全書

玉海卷八十

宋 王應麟 撰

車服

鹵簿

有文事必有武備故整法物之駕嚴師兵之衛總名鹵簿唐人謂鹵櫓也甲楯之別名兵衛以甲楯居外為前導皆著之簿故曰鹵簿

五禮精義曰鹵大盾也以大盾領一部之人故

言雨

簿

漢甘泉鹵簿

漢官鹵簿圖

鹵簿篇

又見屬車

漢志甘泉在雲陽黃帝接萬靈之明庭自古祭天圜丘處本秦林光宮自文帝郊五時三歲一郊車駕必幸雍甘泉故有甘泉鹵簿 輿服志乘輿大駕屬車八十一

乘備千乘萬騎西都行祠天郊甘泉備之官有其注名

曰甘泉鹵簿

文選注胡廣漢官制度云云

注蔡邕表志曰國家舊章

幽僻藏蔽莫之得見應劭漢官鹵簿圖曰乘輿大駕則

御鳳皇車以金根為副

宋志宣和兩簿記云應劭漢兩簿圖有騎執筴筴即笏通典同

唐六典注云漢官儀兩簿篇

西京雜記漢朝輿駕祠甘泉汾陰備

千乘萬騎太僕執轡大將軍陪乘名為大駕車有司馬

辟惡記道靖室象車武剛九游雲罕皮軒闌戟鸞旗建

華相風烏金根之名儀衛有騎隊鼓吹黃麾騎單罕節

御馬華蓋剛鼓之制或分八校或分十六校式道有候

護駕有官 晉志孝武總文景之資揚霓拂翳皮軒記

鼓橫汾河而祠后土登甘泉而祭昊天奉常獻儀謂之

大駕車千乘而騎萬匹揚雄所謂獲天狼之威弧張曜
日之靈旄者也 宋禮志甘泉鹵簿者道車五乘游車

九乘

文選曲水
序注同

在乘輿車前又有象車最在前試橋道

晉江左駕猶有之大駕漢都長安時祠天於甘泉用之
都洛陽上原陵又用之後漢祠天郊用法駕祠宗廟用

小駕小駕減損副車也

南齊禮志車服之儀率遵漢制
南郊大駕北郊明堂降為法駕

袞冕之服諸祠咸用

春秋正義異義古毛詩說天子
春秋正義

之大夫皆駕四故詩云四牡如今乘輿有大駕中駕小
駕為行之等差也其諸侯大夫士唯駕二 春秋正義
服虔云纓如索羣今乘輿大駕有之然則漢魏以來大

駕之馬膺有索
羣是纓之遺象

隋志卓彼上天宮室混成玄戈居其

左上將居其右弧矢揚威羽林置陳天垂象聖人則之
軒轅以師兵為營衛至二代其儀大備漢武上甘泉則
列鹵簿車千乘騎萬匹其居前殿則植戟懸楯以戒不
虞所由來尚矣 文選甘泉遺儀注胡廣漢官制度曰
天子出車駕次第謂之鹵簿長安時出祠天於甘泉用
之名曰甘泉鹵簿 司馬遷傳從上上雍注如淳曰遷
時從上在鹵簿中也 上林賦鼓嚴簿注孟康曰簿鹵

簿也 甘泉賦廼命羣僚歷吉日協靈辰星陳而天行
詔招搖與泰陰兮伏鉤陳使當兵屬堪輿以壁壘兮梢
夔魑扶猶狂八神奔而警蹕兮振殷轡而軍裝蚩尤之
倫帶干將秉玉戚駢羅列布魚頡而鳥盼乘輿乃登夫
鳳皇兮翳華芝駟蒼螭兮六素蚪蛟畧蕤綏離虜祲纒
帥爾陰閉霄然陽開騰清霄而軼浮景兮夫何旗旐郅
偁之旖旎也流星旄而電燭兮咸翠蓋而鷹旗敦萬騎
於中營兮方玉車之千乘聲駢隱以陸離兮輕先疾雷

以馭遺風集禮神之囿登頌祇之堂建光耀之長旂兮

昭華覆

華蓋也

之威威風澁澁而扶輅兮鸞鳳紛其銜糒

云云揚雄從上祠甘泉還奏賦以風時趙昭儀在屬車
豹尾中故雄盛言車騎之衆參麗之駕非所以感動天
地逆釐三神

漢大駕

見上

法駕

文紀奉天子法駕迎代邸注如淳曰法駕侍中駉乘奉

車郎御屬車三十六乘

孝文詔曰鸞旗在前屬車在後

谷永傳朝覲

法出而後駕陳兵清道而後行 霍光傳昌邑王駕法

駕皮軒鷺旗 叔孫通傳注應劭曰月旦出高帝衣冠

備法駕名曰游衣冠 上林賦襲朝服乘法駕建華旗

鳴玉鷺

西都賦乘鷺與備法駕

西京賦大駕幸乎平樂張甲乙

而襲翠被攢珍寶之玩好紛瑰麗以參靡 宮曰法宮

坐曰法坐服曰法服

漢大駕鹵簿儀式 法駕 法物

後紀建武十三年四月大司馬吳漢自蜀還京師益州

傳送公孫述瞽師郊廟樂器祿車輿輦於是法物始備
注法物謂大駕鹵簿儀式也時草創未暇今得之始備

官志大僕卿掌車馬天子每出奏駕上鹵簿用大駕

則執馭侍中侍顧問應對法駕出則多識者一人參乘

負傳國璽操
斬白蛇劍

餘皆騎在乘輿車後

永元九年八月魯恭
拜侍中特使陪乘十

五年賜駙
馬從駕

五營注案大駕鹵簿五校在前各有鼓吹一

部

文選注應劭漢官儀曰大駕鹵
簿五營校尉在前名曰填衛

輿服志

見乘

諸侯

王法駕官屬傳相以下皆備鹵簿

鴻嘉中太傅奏梁王
立願令非耕祠法駕

毋得出宮

鮑宣乘傳去法駕

禮儀志皇后親

儒

蠶車府令設鹵簿

莊子司馬彪注

秋駕法駕也

林傳明帝行三雍之禮備法物之駕盛清道之儀注胡

廣漢制度曰天子出有大駕法駕小駕大駕公卿奉引

大將軍駢乘大僕御屬車八十一乘法駕公不在鹵簿

唯河南尹執金吾洛陽令奉引侍中駢乘奉車郎御屬

車三十六乘小駕太僕奉駕侍御史整車騎 楊秉傳

王者至尊出入有常警蹕而行靜室而止非郊廟之事

則鑾旗不駕 齊志江淹議云後漢唯南郊備大駕自

北郊以下車駕十省其二 衛宏漢舊儀曰皇帝起居
儀宮司馬內百官所傳按籍而後出入營衛周廬晝夜
誰何殿外門屬衛尉殿內郎舍屬光祿勳黃門鈎盾屬
少府輦動則左右帷幄者稱警車駕則衛官填街騎士
塞路出殿則傳趣止人清道建五旗丞相九卿執兵奉
引先置索清宮而後往所以重威防未然也乘輿冠高
山冠飛羽之纓憤耳赤丹素裏帶七尺斬蛇劍履虎尾
絢履

漢東京鹵簿

續官志太僕天子每出奏駕上鹵簿 輿服志輕車洞

朱輪輿大駕法駕出射聲校尉司馬吏士載以次屬車

在鹵簿中郊天黃門從官四人冠巧士冠在鹵簿中以

備宦者四星 晉志象車漢鹵簿最在前 宋志每出

警蹕清道建五旗大僕奉駕條上鹵簿

漢儀曰出稱
警入稱蹕

隋禮儀志關猪車其飾如木輅重輶漫輪蚪龍統轂漢東

京鹵簿所謂獵車者也 六典注漢官儀鹵簿篇太常

駕四馬主簿前車八乘

晉中朝大駕鹵簿 鹵簿圖

輿服志中朝大駕鹵簿先象車鼓吹一部次洛陽亭長
赤車洛陽令阜車黃門前部鼓吹司南九游武剛雲罕
闌戟皮軒鸞旗建華車相風五時車高蓋左單右罕華
蓋桐鼓金根車建青旂十二曲華蓋黃鉞車五牛旗大
輦五色立車安車建旗十二如車色闌猪耕根車赤旗
十二御輅四望衣書藥車豹尾車自豹尾後鹵簿盡矣

次輕車二十乘流蘇馬六十匹次金鉞金鉦車駕三中
道黃門後部鼓吹次戟鼓車此車輿之制也靜室令中
道式道候分左右次洛陽尉令亭長河南掾尹簿記次
司隸廷尉太常光祿衛尉太尉司徒司空或駕一或駕
三或駕駟次中護軍步兵長水射聲翊軍越屯騎校尉
驍騎游擊左右前後領軍將軍並鹵簿左右二行鼓吹
一部次領護驍騎游軍校尉繖扇幢麾各一騎鼓吹一
部七騎領護軍加大車斧終於金顏督將此百官之儀

也兵器則有大戟楯九尺楯刀楯弓矢弩細楯由基細
弩跡禽椎斧鑿臙斧又以神弩二十張夾道騎皆持稍
終於騎十隊大戟九尺楯刀楯弓弩各一隊儀仗則有
遮列騎御麾騎馬鞭方扇執角金鼓信幡幢麾之屬服
飾則有朱衣絳袍黑袴褶之屬 職官志武帝每出入

將軍陳總持白獸幡在乘輿左右鹵簿陳列齊肅

宋志
晉武

帝問侍臣
旄頭何義

禮志元帝大興中詔左右衛及諸營依大

習儀作鴈羽仗 鄭默傳武帝出祠南郊詔使默驂乘

夏統傳賈充欲耀以文武鹵簿命建朱旗舉幡校分

羽騎為隊軍伍肅然須臾鼓吹亂作胡葭長鳴車乘紛

錯 隋志晉鹵簿圖一卷鹵簿儀二卷齊鹵簿儀陳鹵

簿圖各一卷儀注類唐志大駕鹵簿一卷史記索隱按中朝鹵

簿圖云雲罕駕正義中朝鹵簿圖云九旂車駕雲罕車駕隋志唐六

典注引中朝鹵簿 宋綬云中朝江左嘗圖鹵簿

晉皇太子鹵簿

初學記張敞晉東宮舊事曰皇太子初拜有赤氍毹一

石山安車一建九旗青色四馬皇太子鹵簿有黃
麾大小會庭設三廂樂舞六佾 宋劉韞歷湘雍
二州刺史令畫工圖鹵簿羽儀常自披翫 王僧
孺遇中丞鹵簿 隋書曰晉氏鹵簿御史輅車行
中道 北史故事刺史奉辭備鹵簿後同 南朝御
史中丞建康令皆有鹵簿君臣之通稱今有張司空鹵
簿圖

後魏三駕鹵簿

禮志太祖天興二年

正月乙丑

命禮官採古事制三駕鹵簿

一曰大駕設五輅建太常屬車八十一乘千乘萬騎魚

麗鴈行前驅皮軒關戟芝蓋雲罕指南後殿豹尾鳴葭

唱上下作鼓吹軍戎大祠則設之二曰法駕屬車三十

六乘小祠則設之三曰小駕屬車十二乘天賜二年初

改大駕魚麗鴈行更爲方陳鹵簿列步騎內外爲四重

列櫛建旌通門四達五色車旗各處其方

孝文太和十三年正月辛

亥祀圓丘初備大駕

制

太和中詔李韶監造車輅冠服百寮六官各有差次

唐鹵簿 大駕 法駕 小駕 鹵簿圖 鹵

簿令 東宮鹵簿

儀衛志唐制天子居曰衙行曰駕人君舉動必以扇出入則撞鐘庭設樂宮道路有鹵簿鼓吹禮官百司備物而後動大駕鹵簿天子將出太樂令設官縣之樂於庭侍中奏中嚴有司陳鹵簿諸衛以次陳殿庭既外辨太僕卿執轡天子乘輿以出天子升路太僕授輿黃門侍郎奏請發鑾駕動警蹕鼓傳音萬年令先導次京兆牧

太常卿司徒御史大夫兵部尚書皆乘路鹵簿如本品
五路王金象革木皆有副車有指南記里鼓白鷺鷹旗
辟惡皮軒耕根安車四望羊車黃鉞豹尾及屬車十二
乘輿有相風行漏腰輿小輿五牛旗輿輦有大輦方輦
小輦以旗計者二十七曰青龍白虎辟邪應龍玉馬三
角獸黃龍負圖黃鹿飛麟駃騠鸞鳳飛黃麟角端赤熊
兕太平犀牛駿騮騶駼牙蒼烏白狼龍馬金牛衙門
旗并黃麾玄武幢絳麾孔雀毼罕畢

總三十二名一本
云二十七名當考以

隊者七曰清游朱雀步甲持鉞玄武諸衛馬隊大戟隊以兵計者自金吾果毅伙飛至衙門右左廂凡大駕一千八百三十八人分為二十四隊列為二百十四行

參六

典仗則有黃麾仗細仗儀刀仗及仗衛則有親勲翊衛散手衛儀物有曲直華蓋六寶香燈大繖雉尾障扇雉尾扇方雉尾扇花蓋小雉尾扇朱畫團扇俾倪之屬戎器有鉞戟弓箭橫刀襍稍細稍鐵甲甲騎具裝銀裝儀刀班劍金裝長刀御刀黃鉞楯積弩黑蓋甲之屬服飾

有平巾幘緋衲襦大口絳緋衫紫黃纁朱綠綬綬紛武
弁朱衣革帶繡衣青衫赤綦襖黃冒黃袍衫紫誕帶行
膝緋袴褶戎服大袍之屬鼓吹有柷鼓金鉦大鼓長鳴
鈇鼓歌簫笳大橫吹節鼓笛簫箏篳篥桃皮箏篳篥小鼓中
鳴羽葆鼓大角之屬凡五部七十五曲警嚴則夜十二
曲中三曲五更三遍樂有宮縣蕤賓鍾采茨大和回路
南向侍中請降路乘輿乃入繖扇侍御警蹕如初皇帝
入侍中版奏請解嚴叩鉦將士皆休法駕官則減太常

司徒兵部尚書車則減白鷺辟惡大輦五副路安車四

望車及屬車四

六典云四分屬車之一

隊則清游持鉞玄武皆減

四之一鼓吹減三之一小駕又減御史大夫及指南記

里鼓鸞旗皮軒車象革木三路耕根羊黃鉞豹尾車屬

三小輦小輿諸隊及鼓吹減大駕之半凡小駕鹵簿一

千五百人分二十四隊列一百二十行

參六典大駕鹵簿以官計者自

導駕萬年縣令六引至豹尾之後金吾折衝總一百六
員以車計者自指南記里至黃鉞豹尾車總三十六乘
以儀物計者自白澤朱雀旗至黃麾仗繡幡總二十七
名以鼓吹計者自桐鼓金鉦至笛簫臧箎總十五事以

兵計者自金吾折衝果毅至戛仗牙門左右箱總若干人此大駕由簿也至於法駕則屬車減四諸隊四分減一鼓吹三分減一成儀亦三分減一小駕車輦隊仗鼓吹各減大駕其中或與前小異當攷太皇太

后皇太后皇后出司仗布侍衛六尚以下詣室奉迎內僕進車閣外馭者執轡后乘輿以出華蓋侍衛警蹕內命婦從出門后升車從官皆乘馬內命婦宮人以次從有清游隊旗車有重翟腰舉厭翟翟車安車四望金根及宮人車儀仗有偏扇團扇方扇香蹕行障坐障雉尾扇大繖錦花蓋朱畫團扇錦曲蓋錦六柱絳麾黃麾牙

門東宮鹵簿皇太子出鹵簿陳于重明門外升車鼓吹
振作太傅乘車訓導少傅乘車訓從出延喜門家令先
導次率更令詹事太保太傅太師皆輅車備鹵簿車有
金路副路輅車四望車腰輿旗有龍旗五色絳引幡赤
麾戎器有橫刀儀刀細刀班劍褱稍儀鎗油戟儀鉞毬
及弓箭儀物有誕馬繖雉尾扇朱漆團扇紫曲蓋隊有
清游隊壓角隊佩弩隊左右廂步隊佩弓箭隊左右廂
馬隊佩橫刀騎隊後拒隊司禦衛率府步隊東宮鹵簿

六百二十四人分為九隊列為三十一行

六典

若常行常

朝無馬隊鼓吹金路四望車又減隊仗三之一清道儀

刀誕馬皆減半乘輅車而已

六典云左右衛率掌兵仗羽衛凡正至朝官臣以儀

仗為左右廂之周衛兵曹掌鹵簿之法監其羽儀清道率凡皇太子出入以清游隊為先後拒隊為殿監門率

皇太子出入率其屬於牙門之左右太子僕掌車輿騎乘儀仗官志太子三師太子出則乘路備鹵簿以從

兵曹參軍事皇太子出則從鹵簿而泣其儀詹事府司直太子出則分察鹵簿之內通典皇太子謁太廟所

司依鹵簿陳設重明門外

皇太子妃有偏團方扇行坐障翟車六柱

犢車繖大扇曲蓋親王鹵簿有慙弩車輻

捧也失車而行絳引

告止傳教信旂金塗鉤竿儀鉞儀鎧儀稍細稍油戟繖
扇曲蓋象路駕四馬一品鹵簿有憶弩車輻誕馬儀刀
戟旂繖扇曲蓋革路駕四馬自二品至四品青衣車輻
每品減二人二品刀楯弓箭戟稍各減二十三品以下
每品減十二品三品革路四品五品木路萬年令亦有
清道憶弩騎青衣車輻誕馬輅車一馬內命婦外命婦

一品至四品各有鹵簿云云

會要太和六年六月敕準
鹵簿令外命婦一品厭翟

車從車六乘二品三品白銅飾轎車一乘從
車四乘四品白銅飾轎車一乘從車兩乘

百官志

庫部掌戎器鹵簿儀仗

藝文志王象畫鹵簿圖

雜藝術類

禮志祀日未明三刻諸衛列大駕仗衛侍中版奏請
中嚴乘黃令進玉輅於行宮南門外南向未明一刻侍
中版奏外辦皇帝服袞冕乘輿以出

唐鹵簿鼓吹

志大駕鹵簿鼓吹分前後二部鼓吹令二人前部捫鼓
十二夾金鉦十二大鼓長鳴皆百二十鐃鼓十二歌簫
笳次之大橫吹百二十節鼓二笛簫威篥笳桃皮威篥

次之柶鼓夾金鈺皆十二小鼓中鳴皆百二十羽葆鼓

十二歌簫笳次之後部鼓吹羽葆鼓十二歌簫笳次之

鐃鼓十二歌簫笳次之大橫吹百二十笛簫威篳篥桃

皮威篳次之

餘見樂類

凡大駕嚴夜警十二曲中警三曲五

鼓嚴三通天子謁郊廟夜五鼓過半奏四嚴車駕至橋

復奏一嚴元和初禮儀使高郢建議罷之

元和元年十一月高郢奏

今并警為嚴樂官不能辨請停四嚴及上壇一嚴其郊

廂准禮三嚴太廟宿其夜不嚴郊廂於明德門內鼓吹

引駕至丹鳳門

六典太常鼓吹令掌鼓吹以備鹵簿之儀凡

大駕行幸鹵簿分前後二部以統之法駕三分減一小
駕減半皇太后皇后出如小駕之制皇太子鼓吹亦有
前後二部親王以下各有差凡大駕行幸有夜警晨嚴
之制

大駕夜警十二曲中
警七曲晨嚴三通

開寶繡衣鹵簿 建隆定大駕鹵簿 乾德親
閱鹵簿 大駕 法駕 鸞駕 黃麾仗

開寶四年十一月戊午親饗太廟己未

二十七日

合祭天地

于園丘始用繡衣鹵簿國初將舉郊祀命有司考定制

度建隆四年八月十六日辛丑南郊儀仗使劉漫叟言

按唐長興

明宗

南郊鹵簿字圖導駕用三引周太祖用六

引今請用六引

又見郊祀類

兵部儀仗五千一百人太常鼓

吹八百五十人太僕車輅四百八十人殿中儀仗二百

六人司天法物二十一人金吾衛二百五十人金吾仗

六百七十六人從之校以令文頗有闕畧十八日禮儀

使陶穀言鹵簿內金吾諸衛將軍導駕押仗舊服紫衣

請依開元禮各服繡袍舊執仗軍士衣五色畫衣請以

五行相生為次又增造五輅副車復殿中輦輿備用六引本品函簿又增置旗名作大輦凡馬步儀仗共一萬一千二百二十二入悉用禁軍舊用絹布采畫者以綜

絲絕繡文代之

九月二十八日范質言大駕儀仗除執法物馬步兵計百八十五隊用騎軍大

將軍六人郎將都尉九十人騎士四千四百四十六人步軍將軍二十人郎將都尉八十二人枝尉四人王師二百九十八人並騎步乾德四年始作至開寶三年而六千二百七十六人

畢明年郊祀始用之謂之繡衣函簿軍衛羽儀自是浸

盛

志建隆四年將郊祀大禮使范質與函簿使張昭儀仗使劉溫叟同詳定大駕函簿之制乾德三年蜀平

命拾遺孫遜吉收偽法物是歲太祖親閱鹵簿四年始
令改畫衣為繡衣一本云乾德四年五月九日帝親閱
諸州法物舊用采
繪者易以文繡 凡五輅副輅輿輦屬車之屬多仍唐

制名數具于令式先後之次見于兵部字圖 凡鹵簿

四等大駕法駕鸞駕

祥符元年六月改小駕為鸞駕

黃麾仗 大駕

鹵簿自開寶定通禮之後彌有增益大祀命五使鹵

簿使專掌定字圖排列儀仗使糾督之大禮使及餘

使同按閱致齋日巡仗凡車路大僕寺主之輦輿繖扇

御馬殿中省主之皂隸爆

唐志作爆

稍十六騎引駕細仗牙

門金吾主之槍仗六軍主之六引諸隊大角五牛旗兵
部主之寶按門下省掌之鍾漏司天臺掌之鼓吹太常
鼓吹局主之旗器名物衣冠寶蓋錦繡等飾朝服法物
庫出馬箠弩弓矢戎裝雜仗軍器庫內弓箭庫出馬總
大駕鹵簿二萬六十一人法駕三分減一鸞駕又減半
兵部黃麾仗又減於鸞駕大駕凡郊祀籍田薦獻玉清
景靈宮則用之法駕太山汾陰明堂則用之比於大駕
則減太常卿司徒兵部尚書及白鷺崇德等車又減屬

車四餘並三分減一鸞駕朝陵封祀朝謁太清宮奏告

玉清宮則用之又減縣令州牧御史大夫指南記里鼓

等車儀仗減法駕之半法駕用萬一千八十八人鸞駕

用七千人

舊制用二千二百二十二人祥符五年閏十月丁卯享太廟增至七千人八年正月一日

上聖號用三千人

三駕之外有兵部黃麾仗用太常鼓吹太僕

金玉輅殿中省大輦奉迎其制無定然又減於鸞駕之

制凡親征御樓省方還京迎天書聖像六廟上冊則用

之

淳化三年五月增二百五十人政和三年四月禮局上大朝會儀衛五千二十五人黃麾仗用太常鼓吹

部太僕金玉輅殿中省大輦唐黃麾其制十二幅開寶通禮義纂曰黃中央之色此仗最近車輅故以應象

大駕六引開封令牧兵部尚書太常卿司徒御史大

夫

法駕則開封令牧御史大夫為三引

始於金吾轟稍清游隊朱雀旗隊

十六騎吹飛前隊仗龍旗十二指南等車引駕十二

重前部馬隊步甲前隊太常前部鼓吹司天相風行漏

等輿持釵前隊殿中黃麾前部黃麾仗六軍儀仗引駕

十六旗龍墀十三旗御馬日月合璧等旗青龍白虎旗

隊班劍儀刀隊金吾細仗受命寶殿中繖扇千牛親勳

衛翊驍衛等隊夾轂捧日奉宸隊導駕官鳴鞭御馬繖
扇腰輿玉輅大輦持劔後隊金吾大角後部鼓吹黃麾
芳亭等輿輦五牛旗輿金象革木輅副五輅耕耜車進
賢明遠車羊車屬車十二乘黃鉞豹尾後部黃麾仗步
甲後部馬隊後隊受仗真武隊大黃龍負圖旗黃龍大
神等二十旗 大駕鹵簿凡繡文金吾衛以辟邪左右
衛以瑞馬驍衛以雕虎屯衛以赤豹武衛以瑞鷹領軍
衛以白澤監門衛以師子千牛衛以犀牛六軍以孔雀

樂工以鷹耕根車駕以鳳銜嘉禾進賢車以瑞麟明遠
車以對鳳羊車以瑞羊指南車以孔雀記里鼓黃鉞車
以對鷺白鷺車以翔鷺鷹旗車以瑞鷺崇德車以辟邪
皮軒車以虎屬車以雲鶴豹尾車以立豹相風烏輿士
以烏五牛旗以五色牛餘皆以寶相花六引繡衣文清
道以雲鶴憶弩以辟邪車輜以白澤駕士司徒以瑞馬
牧以隼御史大夫以獬豸兵部尚書以虎太常卿以鳳
縣令以雉餘悉以寶相花

與服志

陶穀再為南郊禮儀使

法物制度多穀所定時范質為大禮使以鹵簿清游隊
有甲騎具裝莫知制度以問穀如其說造以給用又乘
輿大輦久亡其制穀立意造之至今用焉

傳

周必大

繡衣鹵簿記藝祖皇帝受天眷命用肇造區夏武功既
成文治斯廣躬郊禋正會朝祓威盛容以次畢行惟是
承五季搶攘之後鹵簿雖設踳駁為甚易而新之茲惟
其時於是制誥范質張昭等正其繆盭參定典式已而
禮儀使陶穀奏言金吾諸衛將軍暨押仗導駕等官服

皆以紫於禮未稱請按開元禮咸用繡袍至若執仗之士舊服五色畫衣先後靡倫無所准式請以黑為先而青赤黃白以次分列用協五行相生之序速有司以儀注上帝御便殿陳而閱之凡馬步儀仗總萬有一千二百二十有二人悉以綜絲袍繡文代彩畫之服揚輝絢采丕釐舊弊疊疊三代兩漢之盛矣稽諸會要始造於乾德之四年而告備於開寶之三年越明年謁款圓立實始用之想夫襍稍前驅五輅增副里以鼓記車以南

指難翹豹尾天矯婀娜公卿執事前導後陪細仗大角壯
其容懋蓋繖扇備其飾耄老幼稚族觀聚歎向也目熟
乎兵革今乃窺文物旂常之美向也耳厭乎金鼓今也
聞錫鸞和鈴之音皇哉治世之鉅典華夏之偉觀也切
讀三聖寶訓而知藝祖恭儉之德出於天資衣用澣濯
器御質素齊官無三服之獻織室罷纂組之工顧於羽
衛乃顯設藩飾如此得無意乎蓋恭儉者帝王之盛德
也備羽衛者國家之上儀也在漢孝文殿設書囊之惟

身以敦朴為先及其詔令則曰鸞旗在前屬車在後儀物明盛猶可想於千載之下然其聖人所以奉已興華國者固自殊轍也耶是以知藝祖之意有在也列聖繼承制作益詳曰大駕曰法駕曰鸞駕曰黃麾仗或施之躬郊或用之封祀或設之朝覲其多寡有差其先後可序揆厥所元皆自繡衣啓之貽謀垂裕永永無極肆皇帝陛下紹復祖宗之大業廼紹興十有三年築壇南郊共祀天地鹵簿之制實纂乾德至於歲用癸亥則視建

隆初郊之歲若合符節夏觀簡冊未之攸聞蓋莫為於前無以彰異時創業之功莫繼於後無以知中興之治是不可以不特書也

景德鹵簿記

二年十一月乙巳朔

是年郊祀

鹵簿使王欽若上三卷詔付

史館

欽若表云掌西京之鹵簿獲奉屬車之塵閱東觀之圖書幸觀羽陵之簡

先是九月二

日丁未詔欽若閱仗衛中司天監行漏十二神興殿中

省芳亭鳳輦等減製修飾以舊制太重也

祥符二年

八月甲子詳定所言法駕鹵簿三引內寶鼎令河中尹
別造車上題勝

天聖新修鹵簿記 景祐鹵簿圖記

景德二年郊祀王欽若上記三卷頗疏畧天聖六年十
一月癸卯翰林學士宋綬上天聖鹵簿記十卷付祕閣

初綬攝太僕卿侍玉輅上問儀物典故占對辯洽因命

撰記

序云再飾大駕郊見上帝

景祐五年

即寶元元年

十一月乙巳禮

儀使

資政殿大學士

宋綬上景祐南郊鹵簿圖記十卷詔褒諭

蓋因前書而增飾之以觀政初元冠篇質
正古義傳以新制圖繪注說援摭精詳

圖記序曰黃

帝創軒冕之容列營衛之警輿駕儀物蓋本於此唐堯
彤車有虞鸞和夏后之綏商人之路周官有司常中車
之職虎賁旅賁之從三五之際所由來尚矣秦并六國
兼屬車九九之數漢上甘泉備千乘萬騎之衆自時厥
後損益可知藝祖始議郊饗即諏典文扞衛既崇羽儀
兼備初吏士所服皆用畫帛乃命易以厚繒加之文繡
采絳相錯煥乎一時至道中詔翰林承旨宋白與內侍

畫郊丘仗衛緘在祕府

一本云圖飾仗衛實在中祕

景德中資政殿

學士欽若上鹵簿記三卷敕付太史皇上紹庭正統粵

再郊之明年命華光侍臣圖寫大簿臣充儀仗使督攝

容衛又以太僕奉車承願問乃與侍讀馮元侍講孫奭

議曰前二圖書寫形紀事不相參會盡象設而又文陳

乎繇是著為圖記十篇歲在戊寅燔祀有期敕重飾帝

車爰及法物並加釐正云云

戊寅景德五年十一月戊申享景靈宮已酉享太廟

奉慈廟庚戌祀園丘改元寶元

會要

志

景祐五年七月十一日丙午

詔鹵簿儀物未合典制者釐正之令內侍張永和等領

工修飾既成八月庚辰帝親閱於大慶殿門

實錄八月庚辰御大

慶殿門閱新作南郊儀仗車輅

九月侍講賈昌朝言儀衛三事一曰南

郊鹵簿車駕出官詣郊廟日執毬杖迎至齋官唐世以

資玩樂宜徹去二曰大駕鹵簿有羊車前列本漢晉乘

於後宮遂為法從宜改革三曰鹵簿儀衛五使畧行按

閱先後失序名物差互請於致齋前詳視詔禮儀使宋

綬與太常禮院同詳定以奏綬等言羊車按劉熙釋名

隋禮儀志漢代已有自唐至今著禮令宜仍舊其鹵簿儀仗南郊前五使預閱素隊使之齊肅從之又去誕馬鞍韉用纓轡緋紕旛麾以小篆易隸字六引朱團扇用雜花大駕用盤龍重定戟鉞小戟重制雉尾扇爆稍父叉唐末以御史中丞為儀仗使後唐始有鹵簿使兵部侍郎為之國朝故事中丞領儀仗天聖二年用中丞薛奎領鹵簿而翰林學士晏殊領儀仗蓋誤也治平二年詔中丞賈黯易儀仗使翰林學士范鎮鹵簿使

皇祐明堂法駕鹵簿圖

志

會要同

皇祐二年三月己亥詔將享明堂乘輿服御務裁

簡六月己巳

日四

鹵簿使奏法駕減大駕三分之一而兵

部無字圖故本詔禮官與兵部考正為圖以奏八月辛

未上字圖法駕鹵簿用萬一千八十八人

初乾德初有司定制唯得

唐長興南郊鹵簿字圖校以令文猶多闕焉至是禮官共議制圖

九月辛亥宗祀嘉祐

二年祫享禮儀使奏南郊仗金吾上將軍左右千牛皆

服紫繡戎服珂佩騎而前節度衣袴褶導駕如舊制是

月禮官奏南郊還禮乘金輅而或乘大輦宜著令
常以大輦從 熙寧七年八月十二日太常看詳
兵部大駕鹵簿字圖請以副輅列正輅後減羊車
五牛旗元豐元年二月詳定所言大駕輿輦仗衛
儀物兼取歷代訛舛苟簡不足為法詔令更定於
是去二十八宿五星攝提旗所繪人形及龍虎僊
童大神金黃鸚鵡網子螭蛇神龜等旗及拂翟三
年正月十二日詔以緡錢七萬下成都造大駕鹵

簿儀物

大駕仗下官一百四十六員執仗押引從軍員職掌諸軍諸司二萬二千二百二十

一人法駕三分減一駕駕減指南等車餘並減半

元祐七年十月丙子

二十七日

太常言鹵簿圖六引王公已下紫繖改用青

興國六年五月詔殿中省細仗服碧舊服黃

十一月南郊蘇軾為鹵簿

使導駕內中紅車爭道亂行軾於車上草奏明日敕有司嚴整仗衛自皇后以下皆不復迎謁中道

十三日奏

宣和重修鹵簿圖記

書目三十五卷初王欽若三卷宋綬十卷宣和別為一書益號詳備三十三卷目錄二卷志三駕之制詳見於政和禮局所上迄宣和而大備先是政和七年二月九日兵部尚書蔣猷言陛下稽古制禮大輅之乘元戎之旗六引之名與車導駕之官與服革而新之多矣宜命有司取天聖圖記考正詔改修宣和元年書成凡人物器服盡從古制飾以丹采三十有三卷目錄二卷紹興三年十月靜江守臣許中上宣和重修輿簿記

政和三年四月二十九日議禮局上皇太子鹵簿之制
又上皇后皇太子妃王公一品二品三品鹵簿之制七
年正月二十七日禮制局請墨車駕士衣阜夏綬阜質
繡五色團花

紹興大駕鹵簿 法駕鹵簿

十三年郊祀二月九日詔排設大駕鹵簿令禮兵部討
論依政和新儀和十八日兵部言國初大駕儀仗總一萬一千

二百二十二人今已有黃麾半仗三千四百八十三人

玉輅腰小輿大輦平迺遙輦下一千九人外其金象輦

木輅芳亭鳳輦屬車寶輿一千二百七十三人天武捧

日奉宸隊六千四百五十七人仗內六引

六引止用一象

鼓吹

前後部一千五百人法物儀仗望下有司製造詔合用

文繡並代以緇命兵郎錢時敏戎監劉才邵等參訂兵

部長貳提舉十月畢工十六年至二十八年郊祀增捧

日奉宸隊共一萬五千五十人

一本云紹興二十五年十一月癸亥郊祀增兩

簿為萬五千二百二十有二人建靈芝瑞木等旗

三十一年明堂五月十三日

有司陳法駕鹵簿視郊祀三分減一用一萬一千
五人 隆興二年二月詔遵太祖典故省約儀仗
減半用六千八百八十九人鼓吹警場三分減一
省四輅祀回止乘平輦乾道六年九月一日詔郊
祀用五輅大安輦如舊儀 開元開寶政和禮書
親祠乘輅皆以大僕卿為御千牛將軍為右蓋倣周
禮大馭諸右等官今乃差執綏官以綵繩維於箱
柱又至尊不立乘而設倚以坐不以千牛陪乘而差

帶甲內侍二人立御坐之旁皆失禮 居則重門
擊柝以戒不虞行則清道按節以養威嚴 動設
先置止則交戟清道而後行清室而後御所以重
衛也 帝王之居外則飾周衛內則重禁門將行
則設兵而後出幄稱警而後踐墀張弧而後登輿
清道而後奉引遮列而後轉轂靜室而後息駕所
以顯至尊務戒謹垂法戒也 帝暉臨幄百司定
列鳳蓋俄軫虹旗委旆 旄頭先馳屬車齊躅

奔星舞於旗旂行月棲於羽箭壽犀注鎧肅給乎
師營蒼虬范馭秋游乎天轡瓊鋌流景金根照塗
顏行山則銜枚無聲五精來同七聖景從鑾
聲佩節次于帷宮夷道如砥呼蹕填街梢夔獮
以護野離荆牟以守燎天兵威威羅列衛營有
闌有旂龍輓離衡耳耳其驅雅雅于行旂旒連蜷風舞
雲縈士若銜枚駉牡不鳴服章天地車駕風雲日隨
月侍獄走川奔列缺收聲而聽蹕豐隆鼓力以扶輪

大丙弭節長庚曳臂 五老翼轅八神弭策 矯翠鳳
於黃屋約交龍於彩旗 日下奉圖鮮虞守燎揚六鑾
齊八駿 堯步舜趨禹馳湯驟 矩坤度規乾則 月
御按節星驅扶輪 撫翠鳳之駕六先景之乘 奮電
鞭驟雷輜 羲和司日顏倫奉輿 天清日晏 天華
奕霽 赤旗絳庭 式道執爰展軫效駕徐鑾鑿節明
鍾暢音七萃連鑣九存齊軌 重英曲瑤之飾絕景追
風之騎 迴輿駐罕岳鎮淵渟 天兵四羅旗常婀娜

駕龍十二魚魚雅雅 山靈護陳方神蹕御 武旅俠
馳玉梢金威千官扈從珮鳴笏澤 舉星畢曳雲梢召
風伯以清塵命山靈而護野 茸騎髦頭虹旃羽旆魚
麗鶴列之陣扈帶鮫函之旅叙和植表箕張翼舒 屯
萬旅以森沈翼千祗而護衛 漸鴻之士陟恪以奉輿
戴鵠之夫凝嚴而戒道 碧輦驂龍瓊干跂鳳 駕鏤
象蔭華芝謁款靈場陟降紫幄 應龍受轡招搖翼輶
曳星之髯歷天之旂雷軸電鞭翠華歲粧 拭翠鳳之

駕開日月之旗撞鴻鐘發雷輜辨格澤之修竿決河漢
之淋漓赤松前驅彭祖後馳方明夾轂昌寓侍衣山靈
秉鉞而踉蹌海若護蹕而參差風馭冉以縱雙雲螭蹉
而遲蜺五牛馱其析羽六龍輝其鏤錫望舒先驅
飛廉奔屬千乘萬騎魚魚雅雅禮神頌祇福祿來下

武騎仡以清道被練煥以波燭浮埃沈而瑞氣翔前
清塵兮天畢密扶路兮雲輜六駿駁兮沛艾萬虎育兮
鬚鬚垣直太紫庭儼雲龍扇交翟兮歲蕤旗升龍

兮雙畧 天子御玉輅動金根八驥揚衡雙龍翼蓋雲
罕徐迴鳴鐃韻響風承豹尾日映鵷冠萬騎天行千乘
雷動石鎧犀衣之士聯七萃而雲屯珠旗月羽之兵亘
五營而星列 撫元蚪載翠鳳鼉鼓按節鯨鐘疏響千
乘岳動萬騎林迴星陳而天行雷震而霧合 屏翳清
曉飛廉警旦孫叔奉轡王良聳策 國容象物而動朝
章視令而肅 備萬乘整法駕 延喬松於東序詔韓
岐於西廂麾天閭使啓關 儒僚展采禮官相儀垂旌

動音洪鍾竦節陽路整衛正途清禁於是綰環佩端玉
藻鳴鳳竚律騰駕流文間綵比象之容昭明紀數之服
徽焯天陣容藻神行翠蓋懷陰羽華列照 金支宿垂
鏞石潤響命五神以相列闢九關以集靈警衛兵而開
靈先雨祇以灑路 上摩星以旃雲下藻野而緡川

命期門使按蹕 六龍驤首以啓路八駿騰光而夾輶
灼楚煇練剛日百官戒嚴乘輿乃出奮六經以攄容
奔八神而警蹕拖虹蜺之宛延植星槍而蒙密玉軻浮

霞霜戈燧日然後招翠龍駢絳螭疏飛雲之法輅揭
太一之靈旗升黃屋翳華芝山立玉色出乎南端之
闌紫雲華蓋上玉斗帝車前彫雲麗璇蓋祥飈
被綵旂

儀仗

周禮法物

宋禮志按周禮辨載法物莫不詳究然無相風罩
網旄頭之屬此非古制明矣周官大僕王出入

自左馭前驅注如今道引隸僕掌蹕宮中之事注

謂止行者清道若今做蹕

宋志警蹕戒小司也蹕止行也

冠大賓客前王而辟注若今執金吾下至令尉奉

引

漢宮室出入儀

太平御覽漢名臣奏曰丞相薛宣奏漢興以來深考古

義惟萬變之備於是制宮室出入之儀正輕重之冠故

司馬殿省門閤至五六重周衛擊刁斗近臣侍側尚不

得著鈎帶入房 宋志天子坐漆牀居朱屋按何休注

公羊有朱屋以居漆牀亦當是漢代舊儀而漢儀不載

殿屋爲員淵方
井兼植荷華

梁三駕二仗

隋志梁乘輿行則有大駕法駕小駕行幸則槩仗近燕則

隊仗三駕法天二仗法地其動參天而兩地也

大同五年正月

丁巳賀琛奏南北二郊籍田御輦不復
乘路以侍中陪乘傳大將軍及太僕

隋三仗

志齊河清中定令宮衛之制後周警衛之制置左右宮
伯掌侍衛之禁更直於內小宮伯貳之左右武伯掌內
外衛之禁令兼六率之士皇帝臨軒則備三仗於庭高
祖因齊宮衛微有變革左右武衛開府各領三仗六行
在大仗內行別六十人大駕則執黃麾仗古今注麾
所以指麾乘輿以黃諸公以朱刺史二千石以纁

唐儀衛制

儀衛志

舊史不
志儀衛

唐制天子居曰衙行曰駕皆有衛有嚴

衙朝會五仗內仗千牛仗挾門隊長槍隊黃麾仗五旗
仗及仗步甲隊辟邪旗隊清游隊朱雀隊玄武隊駕大
駕鹵簿法駕小駕羽葆華蓋旌旗罕畢車馬之衆盛矣
皆安徐而不譁其人君舉動必以扇出入則撞鐘庭設
樂宮道路有鹵簿鼓吹禮官百司必備物而後動所以
為慎重也儀衛所以尊君而肅臣 官志殿中侍御史
九人掌殿庭供奉之儀正班列於閣門之外

唐朝會五仗 衙內五衛 黃麾仗五旗仗

諸衛儀仗

儀衛志凡朝會之仗三衛番上分為五仗號衛內五衛
一曰供奉仗以左右衛為之二曰親仗以親衛為之三
曰勲仗以勲衛為之四曰翊仗以翊衛為之皆服鶡冠
緋衫袂五曰散手仗以親勲翊衛為之服緋純襖襠繡
野馬皆帶刀捉仗列坐東西廊下每月以四十六人立
內廊閣外號曰內仗以左右金吾將軍當上中郎將一
人押之有押官知隊仗官朝堂置左右引駕三衛六十

人分五番引駕飲飛六十六人分六番元日冬至大朝
會宴見蕃國王則供奉仗散手仗立於殿上黃麾仗樂
縣五路五副路屬車輿輦轎二翰一陳于庭扇一百五
十有六三衛三百人執之陳于兩廂黃麾仗左右廂各
十二部十二行一長戟六色斨二儀鎗五色幡三大稍
小孔雀斨四小戟刀楯五短戟五色鸚鵡毛斨六細射
弓箭七小稍鸚鵡毛斨八金花朱藤絡楯刀九戎雞毛
斨十細射弓箭十一大鉞白旄十二金花綠藤絡楯刀

皆有五色雲花襖冒

每行一色

及行滕鞋襪黃麾仗首尾廂

各絳引幡二十引前十掩後十廂各獨揭鼓十二重重

二人

首二部師子袍次一部豹文袍次當御廂後廂後左右廂

每黃麾仗一部鼓一

諸衛大將軍各一人檢校被繡袍次左右衛黃旗仗立于兩階之次左右驍衛赤旗仗坐于東西廊下左右武衛白旗仗居驍騎之次左右威衛黑旗仗立于階下左右領軍衛青旗仗居威衛之次鑿甲弓箭刀楯稍積各隨其五旗之色又有夾轂隊廂各六隊隊三十人親勲

翊衛仗廂各三隊隊四十人武衛內有持釵隊執銀裝
長刀絳引幡一金節十二分左右罕畢朱雀幢青龍白
虎幢隊各一百四十四人分左右二行又有仗步甲
隊及仗左右廂千人廂別二百五十人執及二百五十
人執叉步甲隊從左右廂各四十八前後皆二十四次
左右金吾衛辟邪旗隊又有清游隊朱雀隊玄武隊清
游建白澤旗朱雀玄武各建其旗諸衛挾門隊長搶隊
與諸隊相間明日殿上設黼宸躡席熏鑪香案百官唱

門籍入畢序班于通乾觀象門南次入宣政門宰臣兩省官對班于香案前百官班于殿庭扇合皇帝升御坐內謁者承旨喚仗左右羽林軍勦以木契自東西閣而入朝罷皇帝步入東序門然後放仗內外仗隊七刻乃下宴蕃客日隊下復立半仗于兩廊朔望受朝及蕃客辭見加纛稍隊儀仗減半凡千牛仗立則全仗立禮志皇帝親征纂嚴諸衛列黃麾仗巡狩建牙旗於壇外黃麾大仗屯門鉞戟陳墮中冊太子列黃麾大仗

師三公親王設黃麾半仗冊
公主銀戟近仗入陳於殿庭

百官志庫部郎中

掌戎器鹵簿儀仗京衛旗畫蹲獸立禽行幸則給

飛走旗凡諸衛儀仗以御史涖其度掌

衛尉寺凡
供宮衛者

歲再
閱

左右衛將軍凡皇帝御正殿守諸門及內廂

宿衛仗非上日亦將軍一人押仗缺以中郎將代

六典凡大朝會左右衛率屬以黃質鍔甲鎧黃弓箭刀

楯積黃氍毹熊角端旗為左右廂之儀仗凡宿衛內廊

閣門外分為五仗坐於東西廊下御坐正殿則立兩階

之次正門內則以挾門隊坐東西廂承天嘉德二門之內驍衛建黃氍鳳飛黃吉利兕太平旗正殿前則以胡祿隊坐東西廊下正門外以挾門隊列東西廂武衛被白質鍪甲鎧執白弓箭楯積建氍四色氍五牛飛麟馱馱驚犀牛駿驪旗持釵隊應蹕為左右廂之儀仗威衛被黑質鍪鎧執黑弓箭刀積建青氍黑氍黃龍負圖黃鹿騶牙蒼烏旗領軍衛被青質鍪鎧執青弓箭刀楯建赤氍應龍玉馬三角獸白狼龍馬金牛旗為左右廂之

儀仗羽林軍率儀仗周衛階陛督攝左右廂飛騎大駕
行幸夾馳道為內仗金吾衛車駕出入率屬以清游隊
建白澤朱雀旗以先驅又以玄武隊建玄武旗以後殿
隊仗所用緋色旗幟等並改為赤黃以符土運其節度
使准此

唐千牛仗 立門仗

志千牛仗以千牛備身為之皆執御刀弓箭升殿列御

隋志儀注類諸衛左右廂旗圖樣十五卷

會要天寶九載七月五日諸衛

坐左右內外諸門以排道人帶刀捉仗而立號曰立門
仗宣政左右門仗內分三番而立號曰交番仗諸衛有
挾門隊長槍隊承天門內則左右衛挾門隊列東西廊
下門外則左右驍衛挾門隊長樂永安門內則威衛挾
門隊門外則領軍衛挾門隊嘉德門內則左右武衛挾
門隊並列東西廊下車馬出皇城則挾門隊皆從長槍
隊有漆槍木槍白幹槍樸頭槍

六典

百官志同

千牛衛胄

曹掌甲仗之事凡御仗之物二百一十有九羽儀之物

三百自千牛已下各分而典掌之

唐百官儀物

百官志少府監供天子器御后妃服飾及郊廟圭玉百官儀物凡武庫袍襦皆識其輕重乃藏之冬至元日以給衛士衛尉寺祭祀朝會供羽儀節鉞金鼓帷帘茵席

乾德儀仗名物

元年十一月癸亥饗太廟乘玉路左諫議崔頌攝太僕上問儀仗名物甚悉頌應對詳敏上大悅甲子行郊禮

改元 志玉輅 金輅 象輅 革輅 木輅

副輅

五輅之副

耕根車 進賢明遠羊車 指南記里鼓

白鷺鸞旗 崇德皮軒 黃鉞豹尾車 屬車十二

大輦 芳亭輦 鳳輦 小輿 腰輿 香蹬 唐

制朱漆案 緋繡花龍衣 上設金塗香爐燭臺 象

鹵簿以居 先一人跨其上 四人引 五牛旗依五

方色 小輿上刻木牛背 插旗錯采為牛 相風烏

鉦鼓 畫鼓 鍾鼓 樓行漏 十二神輿 旗錯采漆竿

銳首 森本後魏制旄頭之象無文采 爆稍如

節有袋上加碧油常置朝堂出則八枚前導

爆擊聲也
一云象牛

牙門旗錯采為神象 繖古張帛避雨制有方繖大

繖皆赤質 蓋有花蓋導蓋赤質如繖而圓繡花龍曲

蓋繡瑞草 睥睨漢乘輿用之如花蓋而小 扇有朱

團雉尾四等本漢長柄扇 金節隋制 罕畢象畢昂

為前引 幢如節而五層繡四神各隨其方色朱漆柄

絳麾如幢三層 黃麾絳帛為之如幡 幡本幟也

有告止傳教信幡絳帛錯采為字又有絳引幡 御刀
晉宋有之 儀刀有銀飾 班劍本漢朝服帶劍晉以
木代之 戟木為刃赤質 釵戟 稍長矛也木刃又
有細稍 儀鎧鉞屬秦漢有之唐用為儀仗 又無刃
而短 髦緝鳥毛今為四角小蓋繡雲龍孔雀白鸞繫
龍頭竿制如戟 幟弩加箭二有鞬 弓箭有鞬 刀
盾 甲騎具裝 車輻朱漆八稜 白幹槍稍也 柯
舒黑漆棒也 鐙杖黑漆弩柄也 誕馬散馬也 涼

車赤質 逍遙平頭輦 駕頭七寶牀也 繡扇緋羅
繡曲蓋並內臣馬上執之謂之扇篋 鳴鞭唐有之周
條狼氏之遺法也 景德二年二月癸卯王欽若上言
伏詳六典乘黃令掌王公已下車輅又六典大駕鼓吹
朱漆五采畫金鐺羽葆重蓋幘掌畫交龍皇太子已下
朱漆而不畫無金鐺羽葆重蓋幘掌畫蹲豹四品乃用
綠又元日王公及四品以上給鹵簿赴朝會則乘輿儀
仗不與臣下參用宜依六典令式別制王公已下車駕

所有鼓吹儀仗亦請增置從之

至道車輅儀衛圖

志至道中令有司以絹畫為圖凡三幅中車輅六引及導駕官外兩幅儀衛其警場青城又別為圖圖成以藏秘閣凡仗內自行事官排列職掌并捧日奉宸散手天武外步騎一萬九千一百九十八人此極盛也

二年正月辛亥

合祭圓丘 當參
攷郊祀類南郊圖

祥符宮中導從圖

志宮中導從之制唐以前無聞漢乾祐中

五代

始置主輦

十六人掌扇四人服文綾袍銀葉幘頭云云太平興國
初增主輦二十四人改服高脚幘頭輦頭一人衣紫繡
袍持金塗銀杖以督領之捧真珠七寶翠毛華木金寶
山龍腦合執拂翟共十人舊衣綾袍紫衣者易以銷金
繡增司簿內省司儀司給各一人分左右前導凡十七
行每冬正御殿祀郊廟步輦出入至長春殿即用之乘
輦憑几唐制也真宗又加四面內官周衛祥符三年九

月十一日丙戌內出繪圖以示宰相 會要召輔臣于

龍圖閣觀繪宮中迎奉天書出入及行大禮畢入宮之

儀三圖上指所乘輿謂王旦等曰此應出唐制前代輿

輦制度未嘗有此又曰有散員周衛四面朕所加也非

此則班綴不整矣

七月二十九日王欽若言王公車輅云云禮院言按國簿令王公已下象

輅革木輅輅車

祥符天書儀仗

三年八月二十一日丁卯定為一千六百人六年十二

月己巳

十二日

趙安仁林特上天書車輅鼓吹儀仗帝御

崇政殿召宗室輔臣觀圖

康定乘輿出入儀

康定元年九月七日

己未

參知政事宋庠上言車駕行幸

自非郊廟大禮具陳鹵簿外其常日導從唯前有駕頭
後擁扇繖而已其侍從百司官屬下至廝役皆雜行道
中步輦之後但以親事官百許人執撾以殿謂之禁衛
諸班勁騎頗與乘輿相遠而士庶觀者率隨扈從之人

夾道馳走喧呼不禁非所謂旄頭先驅清道後行之謹
且自黃帝以師兵為營衛漢魏有大駕小駕之儀至唐
又分殿中諸衛黃麾等仗國朝承五姓荒殘之弊事從
簡畧儀衛寡薄頗同藩鎮欲望專委一二博學近臣檢
討前代儀注及鹵簿令以乘輿常時出入之儀比之三
駕諸仗斟酌儀物增嚴條禁上以示尊極下以防未然
詔太常禮院與兩制詳定遂合奏諸班直禁兵步騎以
為禁防仍舊數復增清道馬百騎而執罕畢者一騎執

牙門旗前後各四騎而執緋繡鳳斃二十四雉扇十有
二皆分左右並騎增一百六十二人天武兵執柯舒為
一重親從官三百人為一重殿前指揮使二百人為一
重左右相對開二門以擬周禮之人門臣寮起居並令
中道候起居於左右門出其諸色人止令牙門旗前道
傍起居不得便入禁衛中

志乘與常出入儀合奏班直禁兵步騎為禁衛增清道馬

百佩弓矢為五重騎而執罕畢者一執牙門旗前後四執緋繡鳳斃二十四雉扇十二皆分左右天武兵徒行者執柯舒親從兵增為三百殿前指揮使增為二百並騎左右開二門門間容二丈以擬周禮人門凡前牙門

旗後牙門旗前為禁衛禁乘高下肱垂簾外蔽夾道喧
呼馳走者頗著于令會要云或言新制嚴密因不果

行著于令其後浸弛云嘉祐六年中丞韓絳奏請嚴儀

衛先是幸睦親宅內侍墮馬駕頭壞事下閣門禮院議七月十二日士

辰請以閣門祇候內侍各二員挾駕頭左右次扇簋又

以皇城親從兵二十人從其後駕頭乃初即位御坐三朝志七寶牀一覆以緋

羅繡帕內臣馬上捧之謂之駕頭

元豐更造仗衛

元豐六年正月丁丑朔御大慶殿受朝先是上以朝

會儀物敝當改為詔閣門御史臺詳定朝會儀更
造仗衛輿輅冠服至是始陳于殿 政和三年四

月議禮局上大慶殿大朝會儀衛黃麾大仗五千

二十五人

文德殿受朝半仗發冊細仗

建炎二年十一月初

郊用細仗二千人取東京儀仗法物用之

八月二十八日

取東京祭器大樂朝祭服儀仗法物赴揚州十一月壬寅冬至用細仗二千人詣國壇行禮 建炎元年十一月丁亥朔以揚州路滑始聽百官乘輜

紹興二十七年四月

已朱玉牒所進呈僊源類譜用黃麾細仗前導

慶歷五年八月乙亥太常禮院言升祔二后請如慶歷四年改上諸后尊諡用兵部黃麾仗一千二百五十人又設大慶殿細仗三百九十人太常鼓吹儀仗四百九十四人殿中省細仗十二人及設太尉本品儀仗四百八十三人從之

紹興儀仗車輅制度

黃麾仗圖

十二年七月己酉十八日命有司製太常行儀仗自南巡儀物草創時皇太后且至上將躬迎于郊乃命工部尚

書莫將戶部尚書張澄同內侍邵諤製造將等言文德殿視朝大慶殿冊命用黃麾仗二千三百六十五人陳腰輿小輿於東西朶殿今降到圖冊又有紫宸殿黃麾角仗排設儀仗法物等用一千一百十五人又孫授所進圖冊用二千二百四十五人并御輦院左右金吾仗等三百一十八人詔太常寺詳定製造儀仗車輅等制度請先造玉輅及黃麾仗二千二百六十五人從之八月辛巳上奉迎皇太后于臨平鎮用黃麾半仗二千四

百八十三人壬午太后還慈寧宮九月戊申新玉輅成
上觀于射殿十三年閏四月甲辰冊皇后設黃麾半仗
十四百九十九人十五年正月丁未朔初行大朝會禮
于大慶殿用黃麾仗三千三百五十人視東都舊儀損
三之一輦出房不鳴鞭以殿狹也自建炎以來正至不
受朝至是始講 乾道元年十月十八日皇太子受冊
畢稱謝紫宸殿望參官赴起居依儀制設仗兵部言紹
興十三年六月六日紫宸殿望參設黃麾角仗一千五

十六人從之 淳熙元年正旦稱賀依紹興十三年文
德殿視朝之制用黃麾半仗二千四百十五人殿門外
設大旗三十四十一月九日詔冬至朝賀用黃麾角仗
一千五十六人 寶慶三年郊祀鹵簿儀仗用六千四
百九十六人 淳祐十一年明堂用四千一百四十八
人 黃麾半仗二千四百十五人正旦朝賀上尊號
冊寶親享用之半仗一千四百九十九人皇太子皇
后受冊寶用之角仗一千五十六人冬至朝賀紫宸

殿望參金國使賀正旦生辰進受玉寶皇帝御正殿
皇太子稱謝起居用之細仗五百人迎奉冊寶玉牒
用之細仗二百人奉安進書用之細仗一百人獨進
玉牒經武要畧用之大駕鼓吹八百八十四人耕藉
法駕鼓吹五百八十八人
鹵簿政和新儀用六百八十八人紹興十六年止用
其半

紹興車駕行幸圖

紹興三十一年四月二十三日洪邁言天子之出清道

警蹕旄頭前驅豹尾後殿其往來馳道與闌出入者皆有屬禁自六飛時巡務為簡便四孟朝獻前為駕頭後止曲蓋爪牙拱扈之士步趨離立無復行列觀者接袂不聞誰何願詔有司凡車駕行幸從駕禁旅以若干人為一列相去各若干步其乘馬前導者豫上其數有司繪為圖先一日以聞有不如令及不在圖而冒至者糾之令御史覺察詔可

散句見鹵簿

行幸

易曰風行地上觀先王以省方觀民設教詩時邁序
曰巡守告祭柴望般詩曰巡守以祀四嶽河海古之
王者以歲時巡狩方嶽其次則二伯述職不然則行
人循省擇人誦志漢書文紀上幸甘泉注引蔡邕云天子
車駕所至民臣以為僥倖故曰幸見令長三老官屬
親臨軒作樂賜以酒食帛葛越巾佩帶之屬民爵有
級數或賜田租之半故因謂之幸也

漢永平省方

東都賦至于永平云云乃動大輅遵皇衢省方巡狩窮覽萬國之有無考聲教之所被散皇明以燭幽紀永平二年十月甲子西巡幸長安祠高廟遂有事十一陵歷覽館邑會郡縣吏勞賜作樂進幸河東所至賜二千石以下十年閏月甲午南巡幸南陽祠章陵舊宅召校官弟子作雅樂還幸南頓勞饗三老官屬十三年四月辛巳幸滎陽巡行河渠渡河登太行進幸上黨十五年

二月庚子東巡幸偃師進幸彭城耕下邳幸魯又幸孔子宅祠仲尼七十二弟子親御講堂命太子諸王說經又幸東平大梁

漢四巡頌

崔駰傳元和中肅宗巡狩方岳駰上南北東西四巡頌頌曰建初七年初四巡十月癸丑幸咸京日當丙辰謁高廟遂有事于十一陵岐鼎既得獲白鹿元和首歲復南巡中秋丁酉季辛丑親屈轡車幸章陵舊宅園陵設

祠祭偏見宗室與故人江陵進幸祠南岳還幸宛兮歸
洛闔次年車駕脩柴告時用二月日丙辰耕于定陶祀
堯帝明堂祀畢會羣神耕懷祠岳在三祀丙申之辰當
孟春章和八月後癸酉祠沛原廟還汝陰南巡至此凡
再舉太學作頌惟崔駰班固有東巡南巡頌見御覽
孝安延光三年東巡馬融作頌見御覽

唐幸孔子宅

紀乾封元年正月辛卯幸曲阜祠孔子贈太師開元十

三年十一月丙申幸孔子宅遣使以太牢祭其墓 太
祖創業之始甫及二年三十三日兩幸儒學五十二日
三幸飛龍院一歲之內四幸造船務其後主勢日尊儀
衛日盛六飛順動輒為曠典 天策夜而動星鉤陳朝
而按軌 歲習其祥祥習則符 雲披日霽 緹帷宿
置帟幕宵垂既而滅宿澄霞登光辨色式道執爰展軫
效駕七萃連鑣九旂齊軌 重英曲璫之飾絕景追風
之騎虎視龍超雷駭電逝乃迴輿駐罕岳鎮淵渟 虞

風載帝狩夏諺頌王游 天行肅輦路日馭翼華輈

辰旂星罕 雕輦翠旂 珠旗玉軾 鸞旗雲動寶軾

天行 山祇蹕路水若驚流 天行於健雷奮而豫蒐

漢儀以按歷法夏游而布度 吾道如砥吾轡如綫固


可使大路所歷黎元不知 詔翠華而徐動按清道而

來歸 帝暉順動 貔貅六師雷霆萬乘初海沸而雲

湧忽山峙而川靜天子粹然王溫健然天運 雲流日

行海運天聲 弛威弧戢天戈 垂鴻襲裕 樂華禮

葉 文物歲蕤聲明葱蒨 天旋雲遊 掣翠旄於華
蓋之角 曄黃屋於鈎陳之星



王海卷八十

欽定四庫全書

子部
玉海卷八十一

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣蕭九成

謄錄監生_臣李 駟

欽定四庫全書

玉海卷八十一

宋 王應麟 撰

車服

冕服

上古衣毛而冒皮後世聖人易以絲麻染帛以作五采成以為服作冠冕纓黹以為首飾

昔帝冕旒 冕服 黼黻 大帶

大戴禮五帝德黃帝黼黻

黼取其斷
黻取其辨

衣大帶黼裳乘龍

展雲以順天地之紀

禮記正義世本云黃帝造旃冕

世本又云黃帝作冕宋仲子云冕冠之有旒者

黃帝以來以羽皮為冠黃帝之

後乃用布帛 通典黃帝造冕旒始用布帛黃帝作冕

垂旒目不邪觀也充續耳不聽讒言也

宋均曰通帛為旒冕冠之有旒

應劭曰周始垂旒

外紀黃帝作冕垂旒充續為衣玄裳黃帝

觀翬翟草木之華乃染五色為文章以表貴賤 漢歷

志黃帝始垂衣裳有軒冕之服注軒車冕服 家語黃

帝始垂衣裳作為黼黻 韓詩外傳黃帝服黃衣戴黃

冕致齋於宮鳳乃蔽日而至 三禮圖黃帝戴黃冕

見太

平御 淮南子伯余初作衣注黃帝臣世本曰伯余作

衣裳

易繫辭黃帝堯舜垂衣裳而天下治蓋取諸乾坤

以辨貴賤

乾尊坤卑之義

周禮疏冕服皆玄衣纁裳取乾坤者

乾為天色玄坤為地色黃但土無正位託於南方火赤

色赤與黃為纁色故以纁 王制疏玄衣法天黃裳法

地易坤六五黃裳元吉是也衣裳從黃帝以來而有也

虞氏以來

其裳用纁

後漢輿服志聖人觀鸞翟之文榮華之色

乃染帛以效之始作五采成以為服見鳥獸有冠角類
胡之制遂作冠冕纓黹以為首飾凡十二章黃帝堯舜
垂衣裳而天下治蓋取諸乾以乾以有文故上衣玄下
裳黃 春秋正義冕倮也後高前下有倮俯之形蓋以
在位者失於驕矜欲令位彌高而志彌下故制此服令
貴者下賤

黃帝袞龍頌

見頌類

堯黃收純衣 黼衣 舜袞衣 絺衣 太古

冠冕圖

大戴禮五帝德曰高辛黃黼黻衣執中而獲天下帝堯
黃黼黻衣丹車白馬 史記帝堯者放勳其仁如天其
知如神就之如日望之如雲富而不驕貴而不舒黃收
純衣彤車乘白馬注裴駟按太古冠冕圖云夏名冕曰
收禮記曰野夫黃冠鄭玄曰純衣士之祭服 六韜昔
帝堯王天下黼衣絺履不弊盡不更為也

太平御覽

孟子

舜為天子被袵衣鼓琴注袵畫也畫衣黼黻締繡也

子華子舜游於巖廊之上被袵衣而鼓五絃之琴 史

記堯乃賜舜締衣與琴 後漢書戴黃屋服締衣注引

韓子曰堯冬日鹿裘夏日葛衣締葛也

唐虞齊冠

郊特牲

冠義同

始冠之

三加先加

緇布之冠也太古冠布齊則

緇之注唐虞以上曰太古三代改制齊冠不復用也疏

太古無飾緇布冠無綏

其綏孔子曰未之聞

唐虞既用之為齊冠

三代改唐虞之制齊冠不復用之詩都人士緇撮注云

緇布冠

士冠禮注緇布冠今小吏冠其道象也三服謂緇布冠皮弁爵弁也

玉藻始冠

緇布冠

本太古

自諸侯下達冠而敝之可也玄冠朱組纓

委貌也

天子之冠也緇布冠纁綌諸侯之冠也

皆始冠之冠

玄

冠丹組纓諸侯之齊冠也

齊時所服

玄冠綦組纓士之齊冠

也文選任彥升策秀才文採三王之禮冠履粗分

舜冕服十二章 虞夏天子服

周禮司服注古天子冕服十二章舜欲觀焉 書益稷

帝曰予欲觀古人之象日月星辰山龍華蟲作會

疏云六者

畫於上衣

宗彝藻火粉米黼黻絺繡

鄭氏曰絺讀為綺謂刺以為繡疏六者繡於下

裳疏自日月至黼黻凡十二章天子以飾祭服繡與繪

各有六衣用繪裳用繡王者制作皆以十二象天數也

以五采彰施于五色作服汝明注欲觀示法象之服制

天子服日月而下諸侯自龍袞而下至黼黻士服藻火

大夫加粉米上得兼下下不得僭上作尊卑之服汝明

制之疏袞冕以龍為首龍首卷然故以袞為名 皋陶

謨天命有德五服五章哉注天子諸侯卿大夫士之服

尊卑采章各異所以命有德

周禮疏書五服五章哉鄭注云十二也九也七也五

也三也予欲觀古人之象注云此十二章天子備有公自山而下

舜典車服以庸注

諸侯功成則賜車服以表顯其能用子華子舜晝日

月於太常備十有二章黼黻玄黃爛如也王制制三

公一命卷若有加則賜不過九命次國之君不過七命

小國不過五命注三公八命復加一命則服龍袞與王

者之後同多於此則賜非命服也虞夏之制天子服有

日月星辰周禮曰諸公之服自衮冕而下如王之服正義論三公以下次國小國之君爵命之數此禮緯九賜之衣服與宗伯再命受服不同三公一命卷謂周制也

周以前則山在衮上

詩正義曰衮是龍之狀

管子堯舜之王所

以化海內者北用禺氏之玉南貴江海之珠令諸侯之子將委質者皆以雙虎之皮為裘卿大夫豹飾列大夫豹檐

服所以象德服是服者必全是德一德不備不足以臨

民故觀其象必惕然三省焉被其象思其義行其德夫
豈致飾以華其躬寓數以示等威而已

虞服韍 魯四代服

明堂位有虞氏服韍夏后氏山商火周龍章凡四代之
服魯兼用之注韍冕服之韠也舜始作之以尊祭服禹
湯至周增以畫文後王彌飾也山取仁可仰火取其明
龍取變化天子備焉諸侯火而下卿大夫山士韍章而
已正義易因九二朱韍方來利用享祀是為祭服也

徐廣

曰漢明帝復制執天子赤皮蔽膝魏晉用絳紗為之

詩箋芾太古蔽膝之象

以韋

為正義曰太古伏羲時也後王為芾象之易乾鑿度注

古者田漁而食因衣其皮先知蔽前後知蔽後後王易之以布帛而猶存其蔽前重古道不忘本韍鞞俱是蔽膝之象其制則同但尊祭服異其名耳

舜冠 禹冠

通典成王問周公曰舜之冠何如焉曰古之人有帽而句領 荀子哀公篇魯哀公問舜冠於孔子孔子不對

三問不對哀公曰寡人問舜冠於子何以不言也曰古
之王者有務而拘領者也其政好生而惡殺焉是以鳳
在列樹麟在郊野烏鵲之巢可俯而窺也君不此問而
問舜冠所以不對也注務讀為冒拘與句同曲領也言
雖冠衣拙朴而行仁政 尚書大傳古人衣上有冒而
句領者康成注言在德不在服也古人三皇時也冒覆
頂也句領繞頸也禮正服方領 淮南子禹之趨時冠
挂而不顧履遺而不取

見崔駰
傳注

虞皇 周冕 朝服 繁露

王制虞皇而祭

通典云其制無文蓋爵弁之類也

深衣養老夏收而祭

燕衣而養老殷人哱而祭縞衣而養老周人冕而祭玄

衣而養老

又內則同

注皇冕屬也畫羽飾焉

疏周禮有註皇卽有皇舞皆為

鳳皇之字鳳羽五采

凡冕屬其服皆玄上纁下有虞氏十二章周

九章夏殷未聞凡養老之服皆其時與羣臣燕之服虞

氏質深衣而已夏改尚黑而黑衣裳殷尚白而縞衣裳

周兼用之玄衣素裳其冠則弁追章甫委貌也諸侯以

天子之燕服為朝服

玉藻天子玄端而朝日聽朔

注端

當作

諸侯玄端以祭朝服以日視朝於內朝

注朝服玄端素裳也

周書王會成王之會天子南面立統無繁露

繁露統之所垂

朝服八十物搢珽唐叔荀叔周公在左太公望在右

皆統亦無繁露朝服七十物搢笏堂下之左唐公虞公

立馬堂下之右殷公夏公立馬皆南面統有繁露朝服

五十物皆搢笏相者太史魚行人皆朝服有繁露堂下

之東西郭叔掌萊幣統有繁露

注此服名因於假非周制也

禹黻冕

論語禹致美乎黻冕鄭注黻祭服之衣冕其冠也六冕
皆是集注黻蔽膝也以韋為之禹貢荊州厥篚玄纁

璣組兗州篚織文徐州篚玄纁縞豫州篚織纁

夏毋追 收 殷章甫 呬 周委貌 弁

商黻衣

郊特牲委貌周道也章甫殷道也毋追

音牛堆

夏后氏之

道也

注常所服以行道之冠或謂委貌為玄冠

周弁殷呬夏收

齊所服而祭

三王

共皮弁素積

所不易於先代質不變

正義三代俱用緇布而其形

殊士冠禮

同

注委安也以安正容貌章明也毋發聲

也追猶堆也弁名出於槃所以自光大哱名出於幬所

以自覆飾收所以收斂髮其制未聞

天官追師注司農云追冠名士

冠禮記曰弁追夏后氏之道也追師掌冠見之官

王制

見後

儒行孔子長居

宋冠章甫之冠正義用殷禮詩文王常服黼哱注哱

殷冠也夏后氏曰收周曰冕正義冬官續人云白與黑

謂之黼周冕無續繡之飾則殷哱亦不以黼為飾黼自

衣服之所有舉一章而表之耳郊特牲及士冠禮皆云
周弁殷哱夏收故知哱殷冠也既以哱為殷冠更取二
代以明之彼云周弁此云冕者以周自大夫以上祭服
皆用冕 書太甲中伊尹以冕服奉嗣王歸于亳正義
冕是在首之服冠內之別名冠是首服之大名故傳以
冠為冕王制云殷人哱而祭大雅云常服黼哱是殷
之祭冠今云冕者蓋冕為通名 說命中惟衣裳在笥
金縢王與大夫盡弁注皮弁質服以應天 左傳劉

定公曰弁冕端委晏平仲端委立虎門大伯端委治周禮國語晉侯端委入武宮董安于曰端委以隨宰臣論語公西華曰端章甫注端玄端服章甫禮冠通

典夏以牟追以收股章甫或以皞形制並無文後漢

志委貌冠皮弁冠同制長七寸高四寸制如覆杯前廣後銳所謂夏之毋追股之章甫者也爵弁廣八寸長尺二寸如爵形前小後大所謂夏收股皞者也注詩云常服黼皞書曰王與大夫盡弁石渠論玄冠朝服戴聖曰

玄冠委貌也

士冠禮注同

朝服布上素下緇帛帶素韋鞞白

虎通曰素積者積素以為裳也獨斷曰上古皆以布中

古以絲

見後

三禮圖曰舊圖云委貌進賢冠其遺象也

漢志委貌與皮弁冠同制案張鎰圖諸侯朝服之玄冠士玄端之玄冠諸侯之冠弁此三冠與周天子委貌形制相同則與進賢之遺象皮弁之同制者遠相異也梁正因阮氏之本而圖委貌與前三法形制又殊按王制疏與舊圖云周弁殷哱夏收三冠之制相似而微異俱

以三十升布漆為之皆廣八寸長尺六寸前圓後方無
旒周赤而微黑如爵頭然前小後大殷皐黑而微白前
小後大收純黑亦前小後大三冠下皆有收

如笠
下收

案士

冠禮注其制之異未聞謂夏殷禮亡其制與周異同未
聞故下不圖夏殷二冠之象章甫是殷之行道之冠皐
是殷之祭冕梁正等云章甫亦名皐誤也 五經通義

曰禮器曰冕冠長六寸廣八寸員前冕緇布在上五采
組十二旒夏殷之冕如周制其旒色異夏冕黑白赤組

旒殷冕黑黃青組旒 韋孟詩曰豕韋黼衣朱黻以翼
大商注黼衣衣上畫斧形白黑為采朱黻上廣一尺下
廣二尺長三尺以皮為之古者上公服之

夏殷龍衮

禮器

見周
衮冕

疏德多則文備故天子龍衮諸侯以下又稍

少也然周禮上公亦衮侯伯鷩子男毳孤卿絺大夫玄
士爵弁玄衣纁裳今言諸侯黼大夫黻雜明夏殷禮也
但夏殷衣有日月星辰山龍今云龍衮舉多文為首耳

日月之文不及龍也朱綠藻十有二旒亦夏殷也周藻
五采也十二謂旒數諸侯九以下亦夏殷也周家旒數
隨命數又士但爵弁無旒

武王端冕

學記疏武王踐阼以下皆大戴禮武王踐阼篇也云端
冕者謂袞冕也其衣正幅與玄端同皇氏云武王端冕

謂袞冕也

樂記魏文侯端冕謂玄冕也師
尚父亦端冕案大戴禮無此文

周大裘冕 良裘 功裘

春官司服

中士二人

掌王之衣服辨其名物與其用事王之

吉服祀昊天上帝則服大裘而冕祀五帝亦如之注司

農云大裘羔裘也

無章以黑羊皮為之冕即玄冠無旒之冕六冕之用大裘最尊

天官司裘

中士二人下士四人

掌為大裘以供王祀天之服

司裘云大

裘黑羔裘服以祀天示質

中秋獻良裘

司裘云王所服也玄謂良裘玉藻所謂黼裘與

季秋

獻功裘

人功微麤謂狐青麋裘之屬司裘云卿大夫所服

夏官節服氏郊祀

裘冕二人執戈

弁師注大裘之冕無旒

三禮圖黑羔裘其冕無旒

亦玄表纁裘鄭志大裘之上又有玄衣與裘同色但無文采裘下有裳纁色

冬官裘氏

關

政皮之工

玉藻唯君有黼裘以誓省

當為獨

大裘非古也

大裘

羔裘也黼裘以羔與狐白雜為黼文

君衣狐白裘錦衣以裼之

諸侯之服也天子

狐白之上衣皮弁服與秋景公時天雨雪公被狐白之裘

月令孟冬天子始

裘家語天子大裘以黼之被裘象天注為黼文荀

子郊之麻統注大裘而冕詩羔羊注大夫羔裘以居

鄭風羔裘豹飾

疏君用純物臣袖飾以異皮

唐風羔裘豹祛

三禮

義宗鄭詩羔縹衣之宜唐詩刺羔裘之失

周五冕 六冕 袞冕 冕服九章

春官司服

中士二人

享先王則袞冕注六服同冕者首飾尊

也鄭司農云袞卷龍衣也玄謂書曰子欲觀古人之象

日月星辰山龍華蟲作會宗彝藻火粉米黼黻絺繡古

天子冕服十二章舜欲觀焉華蟲五色之蟲

書注
雉也

畫績

之事曰鳥獸蛇雜四時五色以章之謂是也王者相變

至周以日月星辰畫於旌旗所謂三辰旗旂昭其明也

而冕服九章登龍於山登火於宗彝尊其神明也九章

初一日龍次二曰山三華蟲四火五宗彝皆畫以為績

六藻七粉米八黼九黻皆締以為繡則衮之衣五章裳

四章凡九也凡冕服皆玄衣纁裳衮冕十二旒

易氏謂鄭說不

然天子之制無非備物十二冕旒與衣裳一也

疏鄭注禮記曰卷俗讀其通則

曰衮故先鄭衮卷并言之九章初一日龍至凡九也此

無正文並鄭以意解之衣是陽從奇數裳是陰從耦數

注云王受諸侯朝覲於廟則衮冕疏案覲禮云天子衮

冕負黼展節服氏云祭祀朝覲衮冕六人維王之太常

注服衮冕者從王服公之服自衮冕而下如王之服

注自公之袞冕至卿大夫之玄冕皆其朝覲天子及助祭之服諸侯非二王後皆玄冕而祭於已疏上得兼下下不得僭上也魯雖得與天子同惟在周公文王廟中

得用袞冕

夏官弁師

下士二人

掌王之五冕皆玄冕朱裏

緹紐五采繅十有二就皆五采玉十有二玉笄朱紘注冕服有六而言五冕者大裘之冕蓋無旒不聯數也延冕之覆在上是以名焉紐小鼻在武上笄所貫也今時冠卷當簪者廣表以冠緹其舊象與繅雜文之名也五

采絲為之繩垂於延之前後各十二所謂邃延也就成也繩之每一帀而貫五采玉十二旂則十二玉也每就間蓋二寸朱紃以朱組為紃也紃一條屬兩端於武

并玉

所以貫朱紃所以結

袞衣之冕十二旂則用玉二百八十八鷩衣

之冕縹九旂用玉二百十六毳衣之冕七旂用玉百六十八希衣之冕五旂用玉百二十玄衣之冕三旂用玉七十二疏凡冕體周禮無文叔孫通作漢禮器制度取法於周今還取彼以釋之案彼文凡冕以版廣八寸長

尺六寸以上玄下朱覆之乃以五采繅繩貫五采玉垂於延前後謂之邃延故玉藻云天子玉藻前後邃延龍卷以祭弁師所掌冕以旒為主祭天用大裘取質其冕亦當無旒故此不數之唯有五冕爵弁前後平則得弁稱冕則前低一寸餘得冕名冕俛也以低為號以玉笄貫之又以組為紃仰屬結之五冕旒皆十二玉十二旒據衮冕而言旒各十二玉前後二十四旒故用二百八十八

易氏曰春官司服玉之服冕有六夏官弁師獨言五冕者蓋大裘之冕所以祀天天道尚質故大裘

無文其冕無旒即節服氏所謂褱冕并師所掌惟褱冕以下而已

諸侯之纁旒九就

璠玉三采其餘如王之事纁旒皆就玉璠玉并注侯當作公三采朱白蒼其餘謂延紐皆玄覆朱裏與王同也出此則異纁旒皆就皆三采也每纁九成則九旒也公之冕用玉百六十二玉璠塞耳者疏經云九就上公以九為節王不言玉璠互見為義節服氏祭祀朝覲褱冕六人維王之太常左傳桓二年臧哀伯曰褱冕黻珽帶裳幅舄衡紃紕纆昭其度也注褱畫衣也冕冠也

黻韋鞞所以蔽膝衡維持冠者紃冠之垂者紃纓從下而上者緹冠上覆疏畫衣謂畫龍於衣祭服玄衣纁裳詩稱玄衮是玄衣而畫以衮龍衮之言卷也謂龍首卷然禮注詩箋云衣績而裳繡覲禮注云上公衮無升龍天子有升龍有降龍是衮有度也冕則公自衮以下侯伯自鷩以下是冕有度也黼則諸侯火以下卿大夫山是黻有度也衮鷩裳四章毳希裳三章是裳有度也君五色臣三色是紃有度天子朱諸侯青是紃有度杜數

九文不取宗彝與鄭異

昭二十五年子太叔曰為九

文六采五章以奉五色注九文山龍華蟲藻火粉米黼黻也傳曰火龍黼黻昭其文也疏周世袞冕九章傳唯言四章者略以明義 禮器禮有以文為貴者天子龍袞諸侯黼大夫黻士玄衣纁裳天子之冕朱綠藻十有二旒諸侯九上大夫七下大夫五士三此以文為貴也注此祭冕服也朱綠似夏殷禮也周禮天子以五采繅玉藻天子玉藻十有二旒前後邃延龍卷而祭注畫

龍於衣正義藻謂雜采之絲繩以貫於玉以玉飾藻故云玉藻天子前之與後各有十二旒垂而深邃以延覆冕上故云前後邃延龍卷以祭者卷謂卷曲畫此龍形卷曲於衣以祭宗廟注云天子齊肩者天子之旒十有二就每一就貫以玉就間相去一寸旒長尺二寸故垂而齊肩諸侯以下各有差降九玉者九寸七玉者七寸以下皆依旒數旒垂五采玉依飾射侯之次從上而下初以朱次白次蒼次黃次玄既貫徧周而復始其三采

者先朱次白次蒼二色者先朱後綠皇氏沈氏並為
此說至漢明帝時用曹褒之說皆用白旒珠與古異
卷字司服及覲禮皆作袞 郊特牲祭之日王被袞
以象天注謂有日月星辰之章此魯禮也周禮服大
裘魯侯之服自袞冕而下也 戴冕璪十有二旒則
天數也注天數不過十二 覲禮天子袞冕負斧依
周書世俘解云玉服袞衣 詩采芣又何予之玄
袞及黼注玄袞卷龍也白與黑謂之黼箋云玄衣而

畫以袞龍黼黻散謂絺衣也 韓奕玄袞赤舄 九

毼袞衣繡裳注袞衣卷龍也箋云上公之服 釋文六

冕之第

二 三禮圖云周天子吉服有九冕服六弁服三

疏

引并師止言玄朱不言所用之物論語云麻冕禮也蓋以布衣服上玄下纁取天下之色 論語

服周之冕注冕禮冠周之禮文而備集注曰周冕有

五祭服之冠也冠上有覆前後有旒黃帝以來已有

之制度儀等至周始備然其為物小而加於衆體之上

故雖華而不為靡雖費而不及奢夫子取之以為文而

得其中也

周鷩冕 毳冕 希冕 玄冕

春官司服享先公饗射則鷩冕祀四望山川則毳冕祭社稷五祀則希冕祭羣小祀則玄冕公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤自希冕而下如子男卿大夫自玄冕而下如孤注鄭司農云鷩褱衣毳屬衣也玄謂鷩畫以雉謂華蟲也其衣三章裳四章凡七也

冕九

旒 毳畫虎雌謂宗彝也衣二章裳二章凡五也旒七 希

刺粉米無畫也衣一章裳二章凡三旒五 玄者衣無文

裳刺黻而已是之謂玄焉旒三 凡冕服皆玄衣纁裳詩大

車毳衣如葵注 弁師諸侯及孤卿大夫之冕各以其

等為之注纁旒如其命數侯伯纁七就用玉九十八子

男五就用玉五十纁玉皆三采孤四就用玉三十二三

命之卿三就用玉十八再命之大夫再就用玉八纁玉

皆朱綠一命之大夫冕而無旒士變冕為爵弁其皮弁

韋弁之會無結飾疏無旒之冕與爵弁不殊但前低一

寸餘故亦得冕名

左傳成一年公會晉師賜三帥先路一命之服司馬司空受二命之服襄

十九年公享六卿賜之三命之服軍尉司馬司空受一命之服二十六年鄭伯賜子展先路三命之服子產次

路再命之服注蓋請之於王

左傳成十六年晉侯請于王以黻冕

命士會

希冕也

荀子天子山冕諸侯玄冠大夫裨冕士

韋弁禮也

山冕謂畫山於衣而服冕

祭義諸侯冕而青紘

周韋弁服 皮弁 冠弁服

春官司服凡兵事韋弁服注以韎韋為弁又以為衣裳

春秋傳韎韐之跗注今時伍伯緹衣古兵服之遺色疏以韐為冕又以為服韎是舊染赤色也鄭雜問志以跗為幅注為屬以韎韐幅如布帛之幅而連屬以為衣而表裳聘禮云卿韐弁歸饗餼注云韎韐之弁蓋韎布為衣而素裳與此不同彼非兵事入廟不可純如兵服言素裳以屨從裳色天子諸侯白舄大夫士白屨皆施於

皮弁故也

易氏曰即爵弁也韐為韎而戴弁也

荀子士韐弁注謂以爵詩六月四牡騤騤載是

常服箋云戎車之常服韐弁服也采芑服其命服朱芾斯皇箋云天子之服韐弁服朱衣裳也瞻彼洛矣

林翰有與以作六
即變祭服之釋

眠朝則皮弁服注眠內外朝之事皮

弁之服十五升白布衣積素以為裳王受諸侯朝覲於

廟則袞冕疏天子三朝外朝二內朝一

注又云諸侯自相朝聘皆皮弁

服此天子日視朝之服疏聘禮主君及賓皆皮弁士冠禮云皮弁素積詩有頌者弁注皮弁也其弁伊駟

注皮弁箋云駟當作璩以玉為之

凡甸冠弁服注甸田獵也冠弁委

貌其服緇布衣亦積素以為裳諸侯以為視朝之服詩

緇衣之宜兮

緇衣注卿士聽朝之正服疏云即士冠禮朝服緇帶素鞶

謂王服此以

田卒食而居則玄端

易氏曰冠弁即玄端也

疏士冠禮郊特牲云

委貌周道以色言曰玄冠士冠禮云玄冠朝服緇帶素
鞵注云天子與其臣玄冕以視朔皮弁以日視朝諸侯
與其臣皮弁以視朔朝服以日視朝引詩證諸侯服緇
衣為朝服之義朝服與玄端大同小異玄冠緇布衣皆
有正幅為端則同但易其裳耳玉藻鞵君朱大夫素士
爵韋注天子諸侯玄端朱裳大夫素鞵則素裳士言爵
是不純之名冠弁習兵之時若四時則當戎服月令季
秋天子厲飾執弓挾矢以獵注謂戎服尚威武左傳衛

獻公不釋皮冠則皮弁韋弁同但色異耳是正田用韋

弁也

詩六月疏皮韋同類孝經注曰田獵戰伐冠皮弁援神契云皮弁素積軍旅也軍士之服通皆韋皮

坊記注云在軍同服左傳均服振振

夏官弁師王之皮弁會五采玉璫

象邸玉弁注會縫中也綦結也皮弁之縫中每貫結五

采玉十二以為飾謂之綦詩云會弁如星其弁伊綦邸

下抵也以象骨為之疏詩注云弁之縫中飾之以玉璫

璫而處其狀似星也

易氏曰王之吉服其弁三兵田之弁有時而用皮弁日賦朝其用數

矣弁師所以持言皮弁之制二弁相似微有損益

諸侯及孤卿大夫之冕韋弁

皮弁各以其等為之注纁旒玉璫如其命數也韋弁皮

弁則侯伯璫飾七子男璫飾五玉亦三采孤則璫飾四

三命之卿璫飾三再命之大夫璫飾二玉亦二采不言

冠弁兼於韋皮郊特牲祭之日王皮弁以聽祭報示

民嚴上也玉藻皮弁以日昃朝遂以食日中而餽奏

而食日少牢朔月大牢五飲

上水漿酒醴醢

卒食玄端而居諸

侯皮弁聽朔於太廟

注皮弁服皆素練

明堂位皮弁素積裼

而舞大夏疏皮弁三王服學記視學服皮弁皮弁祭

菜士冠禮初加緇布冠次加皮弁次爵弁 覲禮王使人皮弁用璧勞侯氏 春秋正義大輅之服謂鷩冕之服戎輅之服謂韋弁服

周禕冕

樂記武王克商禕冕搢笏而虎賁之士說劍也注衣禕衣而冠冕衮之屬也疏天子六服大裘為上其餘為禕

禕從衮冕以下皆是也 覲禮注同

玉藻諸侯玄端以祭禕冕以朝注

朝天子也禕冕公衮侯伯鷩子男毳也 覲禮侯氏禕

冕

荀子大夫裨冕注裨卑也管子問云諸侯裨冕注裨卑也

漢官儀周冕與古冕

畧等周加垂旒天子前後垂真白珠各十二 禮司服

疏裨衣自袞以下

先鄭獨以驚為裨衣其言不足矣

周王后六服

天官內司服

卷二

掌王后之六服禕衣

司農云畫翟祭統云夫人副禕

畫謂伊維而南素質五色成章曰翟王后之服刻繒為之形而米畫之綴於衣以為文章禕衣畫翟者

揄

狄闕狄

司農云畫翟飾主謂狄當作翟翟雖名江淮而南青質五色成章曰揄揄翟畫翟者闕翟刻而

不畫此三者皆祭服從王祭先王則服禕衣祭先公則服揄翟祭羣小祀則服闕翟今世有圭衣者蓋三翟之

遺鞠衣

司農云黃衣也。玄謂色如鞠塵。象桑葉始生月令三月薦鞠衣于先帝。告桑事疏曰鞠草名華。

色黃告

展衣

司農云白衣也。玄謂以禮見王及賓客之服。字當為禮詩璫兮璫兮其之展也。記云。

世婦緣衣

玄謂雜記夫人服稅衣。偷狄喪大記曰士妻以祿衣。祿衣御于王之服。亦以燕居。祿衣黑。

六服備於此矣。其色則闕。狄亦偷狄青。禕衣玄。婦人尚專一衣裳不異其色。則闕狄亦偷狄青。禕衣玄。婦人尚

之祭服有三

素沙

玄謂今之白縛也。音絹。六服皆袍制。以白縛為褱。使之張顯。今世有沙縠。

者名出

辨內外命婦之服鞠衣

九嬪

展衣

世婦其夫卿大夫

緣衣

女御

素沙

注三夫人及公之妻其闕狄以下乎。侯伯之夫人偷狄于男之夫人亦闕。

狄唯二王

追師

下士

掌王后之首服為副編次追衡。

笄 內宰正其服禁奇衰 閹人奇服不入宮 玉藻

王后褙衣夫人揄狄君命屈狄

周禮作闕

再命鞠衣一命禮

衣士褙衣

詩何彼穠矣序王姬之車服下王后一等

箋謂車乘厭翟勒面續總服則揄翟

三禮義宗陽文

九故王服有九陰文六故后服惟六天子九服祭服有

六王后六服祭服有三陽色尚文故有章數等級之別

陰色尚質故無殊章之品

周爵弁

周頌絲衣其紃載弁俅俅注絲衣祭服箋爵弁弁而祭於王士服也疏爵弁之服玄衣纁裳士冠禮爵弁服純衣注爵弁其色赤而微黑如爵頭然純衣絲衣也

玉藻一命緼韍幽衡再命赤韍幽衡三命赤韍葱衡注此玄冕爵弁服之韠尊祭服異其名耳春官司服疏

爵弁之形以木為體廣八寸長尺六寸以三十升布染為爵頭色赤多黑少前後平弁師注士變冕為爵弁

疏爵弁制如冕但無旒為異無旒之冕與爵弁不殊

詩棘韜有頤箋云祭服之韠合韋為之其服爵弁服紂衣纁裳書二人雀弁執惠注雀韋弁四人綦弁執戈

注鹿子皮弁疏曰禮大夫服冕士服弁雀弁制如冕黑

色但無藻耳阮謏三禮圖云以三十升布為之

三禮圖爵弁士

助君祭之服無旒

此執兵以韋為之異於祭服

釋名曰弁如

兩手相合拊時也以爵韋為之謂之爵弁以鹿皮謂皮弁以棘韋謂韋弁公羊注皮弁武冠爵弁文冠夏曰收殷曰皐周曰弁加旒曰冕禮天子朝皮弁夕玄端朝

服以聽朝玄端以燕皮弁以征不義取禽獸行射諸侯
朝朝服夕深衣玄端以燕裨冕以朝天子以祭其祖禰
卿大夫冕服而助君祭朝服祭其祖禰士爵弁黻衣裳
以助公祭玄端以祭其祖禰

周九服

三禮義宗辨章數法象之理曰十二章法天之大數虞
之服也九章者法陽數之極周之服也周禮王吉服有
九后吉服有六九服者何一曰大裘而冕二曰袞冕三

曰鷩冕四毳五希六玄六者祭祀之服也皮弁素積玄

衣素裳緇衣玄端此又三服所謂吉服有九

六冕之服
玄上纁下

皆同章數則與故分為六服
皮弁法古上
質故衣裳皆白玄衣緇裳者兼夏綬之制

玄衣朱裳

燕樂之服非廟祭之服故不入九服之數韋弁戎服亦

不入吉服之例

明天子朝燕之服曰天子皮弁素衣

素裳為蜡祭之服黃衣黃冠臘祭先祖息田夫之服玄

衣朱裳燕居之服韋弁即戎之服此四服非時朝燕無

常故不入九服

明周禮六服旂章義曰大裘其服無

章其冕無旂天道至尊難可比擬舍去雕飾服以其質
衮冕之服以龍為目龍體九星故以九為終 聘禮疏

周禮春官司服王之吉服有九祭服之下先立兵事韋

弁服後云視朝皮弁服則韋弁尊於皮弁 王制疏皋

陶謨云五服五章哉鄭注云五服十二也九也

謂公侯之服自

山而下 七也

伯之服自華蟲而下

五也

子男之服自藻而下

三也

卿大夫之服自粉米而下

鄭注覲禮云上公衮無升龍其旒則九 宋志周監二

代典制詳密弁師掌六冕司服掌六服設擬等差各有

其序故夫子曰服周之冕

周之祭冕纁米備飾

後魏志周禮及

禮記三冠六冕承用區分

玉藻玄冠紫綏自魯桓公

始也朝服以縞自季康子始也

覲禮秋時賜侯氏車

服及篋服

周赤舄

天官屨人

下士二人

掌王及后服屨為赤舄黑舄赤纁黃纁

青舄

紉

注複下為舄禪下曰屨王吉服有九舄有二等

赤舄為上冕服之舄詩云王錫韓侯玄衮赤舄則諸侯

與王同下有白舄黑舄

白舄皮弁之舄黑舄玄端之舄士皆著屨

王后吉服

六唯祭服有舄玄舄為上禕衣之舄下有青舄赤舄鞠

衣以下皆屨 詩狼跋赤舄几几

車攻赤芾金舄會

同有繹

金舄即禮之赤舄也箋云黃朱色加金為飾故謂之金舄

魯逢掖衣

儒行孔子少居魯衣逢掖之衣注大袂禕衣也此君子

有道藝者所衣正義夫子禕衣與庶人同其袂大與庶

人異故謂衣為逢掖此則大袂深衣也

荀子士君子

之容其冠進其衣逢其容良 深衣古者深衣蓋有制
度以應規矩繩權衡云云 莊子儒者冠圓冠者知天
時履句屨者知地形緩佩玦者事至而斷

漢劉氏冠 長冠 齊冠

紀高祖為亭長乃以竹皮為冠令求盜之薛治

注應邵曰以竹

所生皮為冠今鵲尾冠是也師古曰謂笋上所解之箬今人為笋皮巾

時時冠之及貴常

冠所謂劉氏冠也八年春三月令爵非公乘以上毋得

冠劉氏冠 淮南子高帝造劉氏之貌冠 續漢志長

冠一曰齊冠高七寸廣三寸促漆纁為之制如版以竹

為裏初高祖微時以竹皮為之謂之劉氏冠楚冠制也

民謂之鵲尾冠非也

獨斷云郢人不識謂之鵲尾冠

祀宗廟諸祀則冠

之皆服約玄絳緣領袖為中衣絳綺練示有赤心奉神

也五郊衣幘綺練各如其色此冠高祖所造故以為祭

服尊敬之至也

漢官儀曰漢家赤行齊者絳綺幘

顯宗初服旒冕云云

以承大祭百官執事者冠長冠注東觀書曰永平二年

正月公卿議春南北郊東平王蒼議曰孔子曰服周之

冕為漢制法高皇帝始受命創業制長冠以入宗廟
禮儀志曰變執事者冠長冠衣皐以行禮 官志王國
謁者比四百石掌冠長冠 通典晉依漢制去竹用漆
纓

漢通天冠 五時袍

後志通天冠高九寸正豎頂少邪却乃直下為鐵卷梁

前有山展筩為述

取犀
簪導

乘輿所常服

獨斷曰漢受之秦
禮無文 東京賦

夏正三朝冠通天佩
玉璽紆黃組要千將

服衣深衣制有袍隨五時色袍者

或曰周公抱成王宴居故施袍孔子衣逢掖之衣逢掖

其袖合而縫大之近今袍也今下至賤吏小史皆通制

袍單衣卑緣領袖中衣為朝服云 晉志通天冠本秦

制又曰漢明帝更服乘車天子冠通天而佩玉璽前後有展筓冠前加金博山

述

述即鵠也知大雨故冠象馬

郊祀天地明堂宗廟元會臨軒介憤

通天冠平冕冕卑表朱綠裏廣七寸長二尺二寸加於

通天冠上前圓後方垂白玉珠十二旒以朱組為纓無

綏 通典宋加黑介憤齊加玉簪導梁加冕於上為平

天冕唐改纓以翠縷 隋志按董巴志冠高九寸云云
前有高山故禮圖或謂之高山冠晉起居注成帝咸和
五年制詔殿內曰平天通天冠可更修理之雖在禮無
文知天子所冠其來尚矣徐爰曰博山附蟬謂之金顏
唐志通天冠冬至受朝賀祭還燕羣臣養老之服也
二十四梁附蟬十二施珠翠金博山介憤組纓翠縷玉
犀簪導絳紗袍朱裏紅羅裳白紗中單朱領裸裾白裙
襦絳紗蔽膝白羅方心曲領白鞵黑舄白假帶 齊志

後代沿革見漢志晉服制令其冠十三品見蔡邕獨斷
宋朝天聖二年八月丙寅改承天冠後復舊

漢委貌冠 緇衣冠 皮弁冠

皮弁

後漢志委貌冠皮弁冠同制長七寸高四寸制如覆杯
前高廣後卑銳所謂夏之母追商之章甫者也委貌以
卑緇為之通典委貌形如委貌之貌皮弁以鹿皮為之行大射禮於
辟雍公卿諸侯大夫行禮冠委貌衣玄端素裳執事者
冠皮弁衣緇麻衣卑領袖下素裳所謂皮弁素積也

淮南子高皇帝履天子之圖籍造劉氏之貌冠注於新
豐作竹皮冠也一曰委貌冠也 晉志蔡邕云緇布冠

即委貌冠也其制有四形一似武冠又一似進賢其一
上方其下如幘顏其一刺上而方下

緇布冠
見上

外戚傳

平帝納后太師光太常歆及太卜太史令以下四十九
人賜皮弁素績注師古曰以鹿皮為冠形如人手之弁
合績素裳也朱衣而素裳績或作積謂襞積之若今之
襖也 郊祀志四月至奉高梁父乙卯令侍中儒者皮

弁緡紳射牛行事封泰山下東方改元封元年 後禮

志永平二年三月注天子皮弁素積親射大侯 郊特

牲

冠義同

始冠之緡布之冠大古冠布齊則緡之其綾

也孔子曰吾未之聞也冠而敝之可也適子冠於阼

以著代也醺於客位加有成也三加彌尊諭其志也冠

而字之敬其名也委貌周道也章甫殷道也毋追夏后

氏之道也周弁殷嘒夏收三王共皮弁素積 士冠禮

爵弁服纁裳純衣緡帶黹韜注此與君祭之服雜記曰

士弁而祭於公爵弁者冕之次其色赤而微黑如爵頭
然或謂之緇其布三十升纁裳淺絳裳純衣絲衣也餘
衣皆用布唯冕與爵弁服用絲韎韐韞韐也士韞韐而
幽衡合韋為之士染以茅蒐皮弁服素積緇帶素鞶
注此與君視朝之服也皮弁以白鹿皮為冠象上古也
積猶辟也以素為裳辟威其要中皮弁之衣用布亦十
五升其色象馬疏三皇時以白鹿皮冒覆頭鉤領遠項
玄端玄裳黃裳雜裳可也緇帶爵韎注此莫夕於朝

之服玄端即朝服之衣易其裳耳上士玄中士黃下士
雜雜前玄後黃士皆爵韋為鞞玉藻曰鞞君朱大夫素
士爵韋疏曰但正幅故得端名 緇布冠缺項

缺項如項

青

組纓屬于缺緇纓廣終幅長六尺皮弁弁爵弁弁緇組
紃纁遣同篋注緇布冠無弁者著頰圍髮際結項中隅
為四綴以固冠也今未冠弁者著卷幘頰象之所生也

滕薛名齒

古內反

為頰屬猶著纓今之幘梁也弁今之簪

有弁者屈組為紃垂為飾無弁者纓而結其條疏漢時

卷憤之狀必以布帛繞髮際為之憤梁亦舉漢法以況
韓延壽傳守潁川令文學校官諸生皮弁執俎豆 隋
志五經通義升高五寸前後玉飾董巴曰以鹿皮為之

漢遠遊冠

志遠遊冠制如通天有展筓橫之於前無山述諸王所

服

天子五梁太子三梁諸侯王
通服之 獨斷曰禮無文

淮南子楚莊王冠通

梁組纓注通梁遠遊也 魏志建安十九年三月授魏

公金璽赤紱遠遊冠 晉志傳玄云秦冠也似通天而

前無山述有展簫橫於冠前皇太子及王者後帝之兄

弟帝之子封郡王者服之太子則以翠羽為綏綴以白

珠其餘但青絲而已

張鏡宋東宮儀記皇太子遠遊冠翠綏

南齊志遠

遊冠太子諸王所冠太子朱纓翠羽綏珠節諸王玄纓公

侯皆同

北齊制五梁兼與所服

隋志宋泰始六年皇太子服冕

梁太子還冠遠遊後周太子朝賀袞冕九章隋開皇初

非助祭皆冠遠遊冠 隋志遠遊之制案漢雜事曰太

子諸王服之晉令皇太子諸王給之 唐志皇太子謁

廟還宮元日朔日釋奠之服也三梁加金博山附蟬九
首施珠翠簪導臨軒冊太子太子遠遊冠絳紗袍皇子
冠袞冕遠遊冠緇布冠緇纁屨簪櫛實於箱 宋朝至
道元年天禧二年故事皇太子受冊命服遠遊冠朱明
衣執桓圭朝會謁廟亦如之複製袞冕九章從祀及謁
廟加元服納妃則服之謁廟乘金輅朝則乘馬

漢高山冠 側注冠

志高山冠一曰側注制如通天不邪却直豎無山述展

簞

獨斷齊冠也高九寸鐵為卷梁不展簞無山

中外官謁者僕射所服胡廣

曰高山冠蓋齊王冠也秦滅齊以賜近臣謁者服之

傳曰

桓公好高冠大帶

注史記酈生初見高祖儒衣而冠側注漢舊

儀乘輿冠高山冠飛月之纓

月一作翻

幘耳赤丹素裏此亦

通于天子

安帝立太子謁廟洗馬冠高山

晉志秦行人使官亦服之

詩云高山仰止取其矜莊賓遠者也 通典其體側立

而曲注隋於冠加三峯唐因之 五行志昌邑王賀

昭帝

時遣中大夫之長安多治仄注冠注師古曰言形側立

而下注非法冠及高山也 傅子曰魏明帝以高山冠

似通天遠遊除去卷簫令如介幘幘之上加物以象山

行人使者服之

晉志云改
今卑下

漢進賢冠

志進賢冠古緇布冠也文儒者之服也

獨斷曰漢
制禮無文

前高

七寸後高三寸長八寸公侯三梁中二千石以下至博

士兩梁自博士以下至小史私學弟子皆一梁宗室劉

氏亦兩梁冠亦加服也

王公以下初加
進賢冠而已

注建光中太官

令兩梁冠以典掌王饗也

博士兩梁
崇儒也

中平六年令三府

長史兩梁

晉志進賢冠古緇布之遺象也文儒之服

前高七寸後高三寸長八寸有五梁三梁二梁一梁人

主元服始加緇布則冠五梁進賢冠三公及封郡公郡

侯縣鄉亭侯三梁卿大夫八座尚書關內侯二千石及

一千石以上則冠兩梁六百石以下則冠一梁注晉公

卿禮秩曰太傅司空司徒著進賢三梁冠黑介幘唐

志文武朝參三老五更之服也黑介幘青綏紛長六尺

四寸廣四寸色如其綬

通典云親王加金附蟬

三品三梁五品兩

梁九品以上及國官一梁六品以下私祭服皆用之侍

中中書令左右散騎常侍有黃金璫附蟬貂尾侍左者

左驛侍右者右驛復制緇布冠為始冠之冠 禮儀志

三老冠進賢扶玉杖加元服乘輿初緇布進賢 隋志

案漢官云元始五年令公卿列侯冠三梁二千石兩梁

千石以下一梁梁別貴賤自漢始也 雋不疑傳冠進

賢冠帶欄具劔 文苑進賢冠賦寸之七比夫七德梁

之三取夫三端誠于人有傳古之義形于國有尊儒之風

漢法冠 獬豸冠 柱後惠文冠

志法冠一名柱後高五寸以纁為展蒲鐵柱卷執法者服之侍御史廷尉正監平也或謂之獬豸冠獬豸神羊能別曲直楚王常獲之故以為冠胡廣曰左氏傳有南冠而縶者則楚冠也

國語陳侯棄棄冕而南冠以出秦滅楚以其君服賜執法近臣服之

淮南子楚文王好服獬豸冠楚國故之異物志東北荒有獬豸一角性忠見人觸則觸不直者聞人言則咋

不正者楚執
法者所服也

獨斷漢冠楚冠也一曰柱後惠文冠

前傳蕭望之少史冠法冠淮南王安作漢使節法冠

張敞弟武拜梁相曰梁國大都吏民凋敞當以柱後

惠文彈治之耳注晉灼曰漢柱後法冠一號柱後惠文

秦制執法服今御史服之獬豸一角今兩角以獬豸為

名隋志如淳注漢官曰惠蟬也細如蟬翼今御史服

之通典隋大業中改制一角唐因之御史所服

漢武冠 武弁 鵠鵠冠 繁冠 建冠

志武冠一曰武弁大冠

獨斷曰或曰繁冠

諸武官冠之侍中中

常侍加黃金璫附蟬為文豹尾為飾謂之趙惠文冠又

名鷄冠胡廣說曰趙武靈王效胡服以金璫飾首前

挿貂尾為貴職秦滅趙以其君冠賜近臣

任平傳孝惠時侍中皆鷄

冠冠貝帶顏師古曰鷄鷄鷄鳥似山雞而小淮南子趙武靈王貝帶鷄冠而朝趙國化之

建武時

匈奴內屬世祖賜南單于衣服以中常侍惠文冠中黃

門童子佩刀 通典漢侍中挿左常侍挿右貂用赤黑

色莽更漢家黑貂著黃貂天子元服亦為先加晉名繁

冠一名建冠隋依北齊曰武弁唐制乘輿加金附蟬平

巾幘侍中中書令加貂蟬漢官儀曰金取堅剛百鍊不

耗蟬居高飲潔貂內勁悍外溫潤此因物生義也

谷永曰戴

金貂之飾執
常伯之職

齊志按項氏說云漢侍中蟬刻為蟬像

常侍但為璫而不蟬未詳何代所改 隋志徐爰宋志

謂籠冠 後宦者傳漢中常侍參用士人銀璫左貂明

帝以後中常侍十人小黃門二十人改以金璫右貂

後魏志司馬彪云漢帝有四冠一緇布二進賢三武弁

四通天冠 魏都賦 藹藹列侍金蜩齊光 瑣語范獻
子獵遺其豹冠

漢建華冠 方山冠

志建華冠以鐵為柱卷貫大銅珠九枚制似縷鹿

薛綜曰上

輪小下
輪大

記曰知天者冠述知地者履絢鄭子臧好鵲冠

前圓以為此則是也天地五郊明堂育命舞樂人服之

方山冠似進賢以五采縠為之祠宗廟大予八佾四時

五行樂人服之冠衣各如行方之色而舞

通典曰
晉因之

東

京賦冠華秉翟

漢巧士冠

却非冠

志巧士冠高七寸要後相通似高山冠唯郊天黃門從

官四人冠之在鹵簿中以備官者四星

獨斷曰高五寸禮無文

却

非冠似長冠下縮垂五寸有纓黹宮殿門吏僕射冠之

負赤幡青翅燕尾

獨斷曰禮無文制亭長門僕服之

唐

漢却敵冠

志却敵冠前高四寸通長四寸後高三寸制似進賢衛

士服之

獨斷曰禮無大
通典云皆制之

漢樊噲冠

志樊噲冠漢將樊噲造次所冠以入項羽軍廣九寸高
七寸前後出各四寸制似冕司馬殿門大儼衛士服之
或曰噲常持鐵楯裂裳裹楯冠之入軍門立漢王旁視
項羽後人壯其意
制冠象馬通典似平冕 十八侯銘操楯千
鈞拔主項堂

漢術氏冠 周術氏冠

志術氏冠前圓吳制差池邈迤四重趙武靈王好服之

今不施用官有其圖注

蔡邕曰其說未聞晉因之

晉志或曰

淮南

子楚莊王復讎冠是也

通典或曰楚莊王解冠是也

前五行志注

師古曰天將雨鵲知之逸周書知天文者冠鵲冠以鵲

知天時故也

春秋疏鵲一名翠羽可為飾刊誤正俗云逸禮記云云

禮圖謂之術

氏冠獨斷建華冠鵲冠記曰知天文者服之術士冠

云云

同志

三禮圖云新圖誤題為術氏冠

漢鵲冠

志武冠俗謂之大冠環纓無韃以青絲為緄加雙鵝尾

監左右為鵝冠

上林賦蒙鵝蘇綺白虎被斑文賦虎夫戴鵝

劉向列錄鵝冠子居深

山以鵝為冠莊子纓胡之纓武士之服是也

莊子趙劔士皆蓬頭突鬢垂冠曼胡之纓短後之衣

五官

左右虎賁羽林五中郎將羽林左右監皆冠鵝冠紗縠

單衣虎賁將虎文綉白虎文劔佩刀虎賁武騎皆鵝冠

虎文單衣鵝者勇雉也其鬪對一死乃止故趙武靈王

以表武士秦施之

荀綽曰冠插兩鵝徐廣曰似黑雉出上黨

顧師古曰俗為鵝雞

黃帝

以鵝為

旗幟

漢爵弁

志爵弁一名冕廣八寸長尺二寸如爵形前小後大繪其上似爵頭色有收持筭所謂夏收殷皞者也祠天地五郊明堂雲翹舞樂人服之禮曰朱干玉戚冕而舞大夏獨斷曰冕冠周曰爵弁殷曰皞夏曰收殷黑而微白前大而後小夏純黑而赤前小而後大皆以三十六升漆布為之詩曰常服黼皞上古以布中古以絲禮儀志加元服儀次爵弁次武弁通典周制爵弁士冠

禮三加成人服之晉依漢制更名廣冕隋以角為簪導
唐因之以紳代布用玄纓簪導

漢幘 赤幘 納言幘 帽 翠帽

志通典 古者有冠無幘其戴也加首有頰所以安物故

詩曰有頰者弁秦加武將首為絳帟以表貴賤後稍作
顏題漢孝文高其顏題續之為耳崇其中為屋上下羣
臣貴賤皆服之文者長耳武者短耳稱其冠也尚書幘
收方三寸名曰納言示以忠正明近職也迎氣五郊各

如其色從章服也皐衣羣吏春服青幘立夏乃止尊其

方也武吏常赤幘成其威也未冠童子幘無屋示未成

人也

東觀記曰段熲減冕詔賜竭赤幘大冠一具董仲舒止兩書曰執事皆赤幘獨斷曰元帝額有

壯髮始進幘服之羣臣隨焉

制紺幘以齋青幘以耕紺幘以獵綠幘

董偃召見服之

通典上古衣毛帽皮

玄中記云白始作帽

周成

王問周公舜冠何如曰古之人上有帽而勾領

古者冠下有纓

以紺為之後世施幘於冠因裁纓為帽自東興燕居下至庶人無爵者皆得服之

魏管寧在家

嘗著皐帽

吳書云陸遜破曹休於石亭還上脫皐帽賜遜朝謁服之

宋制黑帽綴紫

標標以繒為之後制高屋白紗帽陳名白紗者為高頂帽後魏咸著突騎帽垂裙覆帶蓋索髮遺象

隋文開皇初嘗著烏紗帽大業通服折上巾唐制

白紗帽又制烏紗帽 西京賦天子戴翠帽

注翠羽為

蓋倚金較瓊弁玉纓遺光儵爚 後漢末王公名

士以幅巾為雅是以袁紹崔豹之徒雖為將帥皆

著縑巾

按巾六國時趙魏之間通謂之承露袁紹戰敗幅巾渡河按此則庶人及軍旅皆服

之全幅卓而向後幘髮謂之頭巾俗人謂之幘頭

東晉制以葛為巾形

如帡而橫著之尊卑共服太元中國子生見祭酒博士
冠角巾至齊立學王儉議更存焉 唐始用巾子尚平
頭小樣者

漢天子衣服制

魏相傳奏高皇帝所述書天子所服第八注如淳曰天
子衣服之制也於施行詔書第八

漢齊三服官

元紀初元五年四月詔罷齊三服官注李斐曰齊國舊

有三服之官春獻冠幘緹為首服綃素為冬服輕綃為夏服凡三地理志齊郡臨淄有服官又曰齊俗織為冰素綺繡純麗之物號為冠帶衣履天下襄邑亦有服官

襄邑係陳留郡

師古曰自出文繡非齊三服李說是緹即今之

方目縹也輕綃今之輕縹也胡公曰服官主作文繡以給袞龍之服 哀紀綏和二年六月哀帝詔曰齊三服官諸官織綺繡難成害女紅之物皆止無作輸 貢禹傳元帝初上言故時齊三服官輸物不過十笥今作工

各數千人一歲費數鉅萬天子納其忠乃詔罷之 谷

永傳元延元年永言願止京師郡國工服官造作以助

大農 章紀建初二年四月癸巳詔齊相省冰素

素色鮮潔

如方空

紗薄如空也或曰空孔也即今方目紗

穀吹綸絮

穀紗也綸似絮而細吹者言吹

虛可成亦紗也前書齊有三服官故詔齊相罷之

馬廖傳上疏曰元帝罷服

官成帝御浣衣哀帝去樂府而侈費不息者百姓從行

不從言也 周太宰節膳服之式凡皮帛絲屨皆掌于

天官司服隸于宗伯蓋禮官辨其等天官制其用漢天

子所服中謁者四人各舉一時而天子衣服御府又主之宗廟衣服郊祀文繡之服東織令又奉之皆統于少府悉出禁錢不以度大司農況丞相可均節之乎 晉

絳人為君復陶注主衣服之官 西都賦虎賁贅衣注

贅衣主衣之官書曰綴衣 輿服志襄邑歲獻織成虎

文衣裳玉佩備章采乘輿刺史公侯九卿以下皆織成

陳留襄邑獻之 禹貢正義漢陳留襄邑縣置服官使

制作衣服是兗州綾錦美也

徐州 織 縞

文選注陳留記

曰睢奐之間出文章奉宗廟御服 魏都賦錦繡襄邑

羅綺朝歌縣續房子縑絕清河 王符傳文組采

牒錦繡綺素葛子升越笥中女布 鹽鐵論齊陶

之縑蜀漢之布 景帝詔曰錦繡纂組害女紅者

也 光武敕會稽獻越布 高紀賈人毋得衣錦

繡綺縠絺紵罽

八年春三月

郊祀歌曳阿錫

注阿絹 繒錫細

布

貨殖傳荅布孟康曰白疊也 閩侯遺江都

王以荃葛師古曰南方筒布之屬 魯縞師古曰

曲阜俗善作之 叔孫通服短衣楚製 江充衣紗

縠單衣 相如游獵賦被阿錫揄紵縞雜織羅垂霧

縠初初袞袞揚袖戍削 吳縞帶 鄭紵衣

漢絳衣大冠 絳衣

紀見光武絳衣大冠驚曰謹厚者亦復為之時三輔吏

士東迎更始見諸將過皆冠幘而服婦人衣諸子繡跽

莫不笑之

古今注建武十三年
初令長皆小冠

東觀記光武起義衣

絳單衣赤幘 周禮司常注屬謂徽號今城門僕射所

被及亭長著絳衣是其遺象 昭紀丞相證事注張晏

曰漢儀注比六百石絳衣奉朝賀正月 元后傳獨衣

絳緣諸于注師古曰諸于大掖衣即袿衣之類 絳衣

舍人 見班彪便宜事 前傳雋不疑褒衣博帶 朱博

守琅邪官屬多褒衣大袿博敕令掾史衣皆去

地三寸 江充衣紗縠禪衣 漢官儀武貴中郎將衣之 曲裾後垂交輸冠

禪纓步搖冠飛翮之纓 盖寬饒為衛司馬未出殿門斷其

禪衣令短離地冠大冠帶長劔 西京賦武士緹衣韎韐

周禮注伍伯緹衣古兵服遺色 文選策秀才文紫衣

賤服猶化齊風長纓鄙好且變鄒俗 墨子齊桓公高

冠博帶以治其國楚莊王鮮冠組纓絳衣博袍以治其

國 後魏元會帽上著籠冠袴上著衣褚綢識之 後

周天元詔天臺侍衛之官皆著五色及紅紫綠衣以雜


色為緣名曰品色衣與公服間服之隋大業六年百官

從駕皆服袴褶於軍旅間不便是歲始詔從駕遠涉者

文武官皆戎衣五品以上通著紫袍六品以下兼用緋

綠 南齊永明八年何胤為祭酒服朱衣 唐龍朔二

年九月戊寅初令八品九品衣碧



玉海卷八十一